

舒

蓺

室

詩

存

舒菑室詩存五

南漚張文虎孟彪

懷人十五首

老饗忽長齋佞佛豈無意劫火竟焚林嗟無立錫地兒

孫散復完或者邀佛庇

張鴻卓篠峰

熱場多岐途癡步難插足銀鈎與鐵畫俗眼苦不屬荒

廬歸去來野菜飯脫粟

沈雋曠定庵

全家賸一身徒跣賊中至爲述湖州圍百戰猶虎視同

聲絕命辭慷慨兼涕泗

吳文通穎仙佐趙竹生觀察守湖州城破被擄至蘇逃回述圍

城禦賊事甚悉有和趙絕命辭四首

談天近方厭投筆起從戎長揖見節相上策論火攻請

以徑路刀撓酒畱犁鐘

李善蘭時從軍

精心志桑梓桑梓今荆榛讀史攷月日治算驚疇人芸

芸名利場何以栖子身

汪日楨謝城撰南潯志甚博又著二十一年史月日攷推策小識

如積引蒙諸書時栖泊滬城

聞海固熟遊賢主天所借以詩戰古人力拗不肯下難

弟志亦奢此行倘可亞

江湜號叔在閩撫徐樹人中丞幕令弟鹿門近亦送帑入閩

橫溪新草堂締構涉寒暑毀折遭萑蒲天幸逃一炬捲

樞雖不完猶自勝羈旅

張家鼎變庵

經年住江北回首憶江南鄭重寄雙鯉語少意自諳欲

知我衰狀絲髯不勝簪

王生世彥雨樓

踽踽兩難民謀食我更拙忍飢入酒家蒙袂同踏雪此

景在目前分離感時節

楊葆光古韻

逐末不知本仙佛皆爲妖直諒多聞人定識何易搖一

去生死隔念此神魂銷

席元章晦甫

問君肘後方何藥能療貧東西南北風轉此飄蓬身飄

蓬亦何爲去與豺虎鄰

鈕安濤燦庭

滿紙非雲山是子心上血指端出不盡張口遂橫決艱

難支八口病骨應鍊鐵

夏今貫甫賣盡給養以勤咯血

飢寒不自慮而慮人飢寒子亦一貧士用心何乃寬車

前擁八騶富貴彼自安

蔣樹本卓如

少年知讀書祿仕非得已抱關何足言親健差可喜慘

憺武林山時時夢魂裏

湯裕衣谷

無私乃通神盡性方研幾誰謂醫小道此語微乎微彼哉守門戶涼熱交相譏王士雄夢隱究極岐黃著述等身其論醫云絕欲無私通神於微妙之鄉窮理盡性研幾於幽明之極

感逝二十首

程君茹古癖創體爲帖攷一編鍾鼎文存亡誓同保

巉石頭城招魂問穹昊嘉善程蘭川諱文榮癖嗜金石有茹古樓圖予嘗爲記著古帖

以爲古人所未有藏石刻本鍾鼎款識世無二本常

職從祀贈道銜雲騎尉世

馬生應世才餘技習九九飛書草檄暇丹鉛不離手摩

抄三尺刀一瞑亦不朽吳縣馬遠林閔讀諱劉佐總兵天喜幕咸豐十年秣陵關之

自到死事潰熊鎮戰沒君拔所佩苗刀

閩卹贈如例

無已少年時詩句已驚眾壯歲志真儒駟騎通漢宋世

變遭黃巾龍蛇竟符夢吳江陳子松茂才諱壽熊少爲觀鑑詞有去年此輩是飢鴻句

壯歲篤志經學實事求是遭賊被創旋病死

讀必有用書吾黨韓子夏聞幽繼文定絕學通者寡雪

涕校遺文有子不羈馬婁縣韓綠卿中翰諱應陸額其室曰讀有用書齋其爲學可知

也明徐文定公所刊幾何原本祇六卷近西人偉烈亞力與李王叔續譯其後九卷君校刊之歲庚申賊犯松

郡君居破機書籍板片俱煨燼鬱鬱發病死去秋君子陽生以遺集求序予爲編定上下二卷

禮學陳祥道憂時杜少陵著書堪送老有子況才能忍

見豺狼暴乘雲遂上升青浦陳醕甫孝廉諱淵泰

是翁頗崛強老乃爲佛蔽忽作師子吼一棒賊已斃鏗

然蘇石詩千載齒可礪華亭張理堂茂才諱進賊至其舍索銀君呵之以拄杖擊賊首

中日立斃賊眾賊之事在咸豐十年八月

年七十三著有蘇石山房詩予昔序之

下無黃口兒上有白髮母家有未婚姪庭有已死婦冤

哉遭火燔慘毒何獨厚金山楊雪門少尹諱師程賊至婦殷先自溺方殮賊拷銀不得

人鄰賊誤認耳

藏書遭賊焚三篋還自寫一官落西湖所不媿風雅何

時鏡湖水流到西陵下上元朱述之太守諱緒曾家江甯藏書甚富燬於賊君在浙公

暇寫書不倦咸豐十年

賊破杭州客死山陰

茗柯有苗裔抱負真國士失意為經師自號德輿子所

學在春秋成仁輕一死身程凌厚堂學博諱堃高材績學林文忠公目以國士自號德輿

與子著撰等身其最致力者為學春秋

理辨同治元年五月賊破湖州死難

昔年同避難緩急每相隨展轉重遭刃天平主者誰東

西賒一奠回憶不勝悲金山姚冰如茂才諱懷橋予婦之族父也庚申五月辛酉四月

每避難同居及辛酉八月倉卒賊至張堰不及相顧君走鄉間為賊所傷展轉徙郡城外去夏五月賊又驟至

被

賊來但持觴此語猶在耳誰知咫尺閒魚鼈化蛇虺人

心不可醫醉魄空沈水同邑火徽鄉茂才諱文炳居百曲村予辛酉冬避難訪君君言

設賊至閉門痛飲生死聽之然不能如其言也倉皇走出為土匪所遮嚇君素識促而害諸水君善飲通醫

疇人例殉節羅戴先後咸豐三年賊陷楊州甘泉羅徵君士琳死之十年陷杭州

錢唐戴茂才煦與其兄侍郎咄嗟南坪氏慘酷尤倍嘗

上天騎彗星熊熊歸安張南坪茂才諱福傳精歸安張南坪茂才諱福傳精

湖郡省母為賊所得以為官兵

丙齋後來秀惜未竟所學所學雖未成於眾頗嶽嶽境

言不三
蹙病適侵蹉跎誤醫藥

華亭張丙齋茂才諱家炎避難客死浦東鄉間醫遠不及藥也

幾無以殮

黃公老而健誰道如木雞當其興到時吐氣成虹霓雄

交神所護丁甲敢焚檠

平湖黃鶴樓明經諱金臺能詩尤工駢體有木雞書屋集所居

迫近賊巢而板片儼然無恙

吾宗庶端士風誼承師門賊斫神扶持葉落歸本根品

學兩無忝望在賢子孫

同里張惠菸明經諱兆熙為賊傷不死鄉居移時賊退歸周浦

卒病

次宗酒中豪書法效顛米醢酤笑山公老病時撫髀同

此桑榆嗟猶然勝沈弟

華亭雷研農茂才諱良樹及其從弟秋園茂才諱慶昇秋園三

子一殤一死難其長君茂才葆純為賊擄三年無音耗秋園以貧困死

通儒祖希馮於學靡不習步算兼中西梅氏所未及著

述感人琴誰為刻全集

金山顧尚之明經諱觀光博極羣書尤精步算著撰餘富遭寇

次子被擄家多死一病不起

虛心過初學健步如少年仁者固宜壽刀兵何足言全

歸啟手足談笑遽升天

上海王花農明經諱延銓誠篤好善年八十餘無疾而終將卒

有神降乩云將度入文昌宮

失子我已悲失婿君更悶何堪遭難身添此兒女恨泉

路逢亡兒冥漠毋久瀾

婁縣祁芝香茂才諱逢甲亡兒錫尚之婦翁也

頻年遭寇累疊見兩子喪自非木石心難以辭不曠人

囚家已糜官猶督捐餉

金山姚月卿學博諱垂佩

聞沈定庵夏貫甫之喪詩以哭之

安歌撤瑟一時中

予作懷人詩時二君適沒

消息驚傳兩地同臨別

早知生趣少述懷猶冀夢時通人情擾擾衣冠賤世眼

茫茫筆墨窮幾輩修文歸地下憐才鬼伯勝天公

讀馮敬亭宮允

桂芬

許烈姬傳爲朱子鶴

和義作

敬亭史筆信不疑作傳大書許烈姬醴泉芝草不擇地

贊中

破牖讀罷生嗟噫姬本維揚鄧家女孤露從姨養

於許二分明月照蘇臺冰雪聰明花解語七年教養賴

阿姨阿姨既沒身何依黑風吹汝墮鬼國雛鸞肯逐羣

鴉飛幾番求死不得死火宅何緣覩君子朱公恰自五

湖來春女嬋媛遇秋士量珠聘定昏爲期鳴夷一舸歸

莫釐同聲唱和橫波曲

子鶴與姬定情日有用龔芝麓尚書贈橫波夫人詩韵唱和二

絕香韻躋攀漱玉詞

姬有和漱玉詞一卷

匪但才華兩相得浣濯

紉鍼勤婦職回首吟花一

姬在蘇時所居曰吟花閣

青蓮不染

於泥色悠哉此樂宜百年黑山突騎驚春眠出門走避

猝遭逼銛刀在頸命在天鼠輩么麼漫相嚇右臂雖已

左能擲

賊研姬落右臂以左手拾石擊賊

罵賊猶存舌似蓮捐生早辦

心如石妾心如石光如電雌雷一擊鬼破面無限冠巾

忍垢人烈貌貞姿君不見石家陽畔鵲鳴

石家陽處姬殉節處

遊魂血沆氣尙生蛾眉曼睩態殊昔怒目卻作鳩槃形

錚錚大節庸非福直得兒夫盡一哭賸有芳名達

九重媿殺偷生徒錄錄采白仙子名德蘋

姬自號采白仙子

閨

房小字爲香賓升天莫認飛瓊侶願作飛仙劍俠身

郊行有感

翹搖花發滿田紅
隔岸殘甌屋尙空
等是去年遭寇地
一絲春裊紙驚風

滬城逢陸

日愛

偕隱當年託釣緡
五湖舊約四經春
平生歐友休相問
劫外重逢有幾人

將之皖江石孝廉

中玉

以詩贈行次韵奉酬

蹉跎過五十髮白身已老
況此蒲柳姿何由返妍好
中年始研經服古事徵考
晚知樸學難所貴削華藻
力淺情不專敢云陟堂奧
夫君徂徠裔志氣陵八表
避兵淞浦東解遘何乃巧
文章溯本根技也進乎道
中藏既有

存世變任紛擾

學成無大小呖澮流於川持此向內心外物皆可鐫淵

源守河東

君為韓慰農大令高弟弟子

薪火還相傳積久乃自融妙

義非言詮好我每過從談論皆斐然吟成多感慨手藁

新自編恨身如轉蓬席暖將復遷時予將遷周浦何以致相勛

魚雁時寄箋

皖江千里餘宛然青天上歌我從軍行和君氣出唱旌

麾出幕府衰老非所望忠信輕波濤一劒聊自壯身無

封侯骨面無食肉相仍媿國士知濫竽參玉帳蹙蹙東

南隅民困或可狀浩浩長江流羣山若屏障何當共登

臨指顧談霸王

次韵荅朱

朱

詩有五

高材固天生，淬厲待其老。有如百鍊剛，其質自堅好。朱君江海士，家學徵厥考。平生倜儻才，小技薄辭藻。得意偶一揮，遂已抉閫奧。掌上列輿圖，胸次羅史表。問君何能爾，智則譬之巧。頻年遭蹇難，僕僕走長道。風霜憔悴餘，龍性漸能擾。

君如黃鵠舉，一顧知山川。我質塊如石，頑鈍不可鑄。造廬忽相訪，虛名實誤傳。聆君揮麈談，觸處成元詮。賊勢近稍衰，民氣猶蹙然。動足皆荆榛，閉戶手一編。物情隨世運，瞥眼多變遷。鬱此今古懷，欲作天公箋。方今辦賊手，無出湘鄉上。兵威收皖江，迎刃聞凱唱。豈

惟此方隅實係四海望大雅羅羣材武庫森甲仗慙非
雖處囊亦預平原相臨分感贈言餞我勝祖帳驩驅策
驚駘顧影憎老狀破浪乘長風倏忽過千嶂扣舷誦君
詩庶幾一神王

次韵酬陸

日愛

舊業已如淘廢井壯心況欲撥寒灰幾人爲國作楨榦
我輩於今宜草萊亂後龍蛇乘釁起春餘鴻鴈好音來
時曾節相命王叔以書見招新詩贈別感君意老矣羞上黃金臺

長歌酬小田

君家皖南我海濱誰與作合由黃巾雲龍參逐一十載
性情所契惟一真遠無三月不聚首近無三日不握手

中更寇難亦相隨往往偷閒把尊酒卽今海內多烽烟
毒燄障蔽東南天君家乃在于湖邊青山采石不可湔
故家喬木幾百年側身西望涕泗漣我家乃近春申浦
陰雨何從徹桑土一室蕭然賃環堵子死無人任門戶
問君胡爲久不歸城空賊去餘劫灰問我胡爲上夷舶
白頭卻賦從軍樂海水入江江路長看山一路到君鄉
迢迢一千六百里同夢依然隔烟水烏乎丈夫何必車
前擁八駟但願廓清六合氛祲收杜陵廣廈白傅裘大
庇寒士無遺髮荒哉此志何日酬癡步慙揖干諸侯停
深杯意何極安得橫空生羽翼君客海濱我皖北

再寄韻贈陸

日愛

田廬彫作秋樹葉書籍慘於秦坑灰欲繪流民學鄭俠
偶拈詩句似吳萊正當遠遊適君至卻謂此行為我來
悲天憫世意無限勇得貢之登省臺

和荅楊

伯潤

而翁畫裏灌園人

君翁小鐵曾繪抱費居園見贈

老向長途抗俗塵世

業能傳真有子顛毛已墮枉逢春湖樓烟雨無家別戎

馬關山作客身待得時平呼舊友

謂王叔

扁舟與爾共垂

綸

五月十五夜與張魯生

斯桂呼小舟渡浦

黃昏人影寂船舫悄無聲城郭隱不見野樓燈火明
水風吹薄絺涼氣到肌骨一葦陵中流溶溶滿江月

輪船

資車利用輪資舟利施機曷以舟爲車兩輪夾而輔填
煤燃深坑挹水熬巨釜兩閒置機緘一歛通噢咻梯空
縣檠檠蓄力掣鞴鼓初聞聲勃鬱漸覺勢仰俯俄然水
碓翻霍若劒器舞躡雲起潛龍飲淵闕渴虎雷轟走神
車電閃飛急弩迴風倒狂瀾濺雪灑白雨利轉膏常添
過盛氣亦吐舟長十丈贏其廣廿尺所中央周四角列
礮比千櫓大容軍千人堅勝城百堵作使兼華彝寢處
雜卒伍拾級登平坡窺井入深甌船頭斗旋杓舵尾弓
引弣長林瞥過眼遠岫忽當戶計程百里餘量晷一時
甫飛蓬車始創落葉舟所祖巧合斯更奇行遠利益溥

半年歷重洋四達徧中土先聲寇也懾遠慮識者憮患
羸服硫黃充飢咽漏脯同舟倚吳越流毒攻肺腑誰能
借楚材噬胷學趙武長技彼足師前事此宜睹張魯生
擬請仿

西龔
士卒

兵法訓練
并造輪船

母令象自焚或冀牢可補

海汊晚泊次溫鳳樓刺史

世京

韵同宋孝廉

紹祚

張魯生

片片餘霞出海邊晴瀾萬頃欲浮天光兼日月交相映
響息風雷遠有烟但願頑民齊脫劒莫教狂寇更投鞭

時常昭賊已投誠
而江北苗逆復叛

渡江名士推溫嶠偶唱于喁已占前

望金焦二山有感同次溫刺史韵

看山最好半晴陰衣袂從教激水侵兩點金焦完小劫

廿年塵夢動吟心

溫君於道光間從此路入都予亦於其時自都回經此皆已二十年

矣莊嚴樓閣原空相晝夜風濤自妙音滿眼創痍何日復慈悲應比大江深

聞楊軍門彭侍郎攻克九洑洲并上下關誌喜同

次溫刺史韵

底事鳴鴉不好音聲威應早懾韓擒成皋未塞終勞力
卽罌遲收有戒心此日喜聞天將下當時遺恨大星沈
謂張副師摧枯待見全城復浮白先開壯士襟

途次雜書

金山樓觀舊藏山真面今方見翠鬟當日紅船呼渡處
新洲聞已接昭關

歸師力遏黃天蕩雖未成功亦快心卻怪建康東下日

捲裝何事退江陰

感韓蘄王事

水壘森嚴見勝兵

九洲上下關既克官軍水師聲威彌盛賊益失勢

十年狐鼠

枉凭城六朝遺迹消磨盡嗚咽秦淮恨有聲

牛渚西江片月孤天門西去又蕪湖夢回已報三山近

辨得尖頭楚尾無

江上羣山兩岸遮南山多勝北山些連峰沓嶂如雲起

可惜怱怱過九華

金陵西上六百里一半青山在夢中惟有九華能識我

芙蓉朵朵插晴空

次韵荅周縵雲侍御

學濬

連朝困炎曦攤飯非腹橐惕此如年日媿彼寸陰寶倒

傾長江流那足潤枯槁瑤箋忽飛至誘敵出詩老連章

幾沓韵

纓老與王叔已三沓此韵

大氣仍渾灝黃巾乍將平屢叛復

元昊以民爲魚肉誰曰盜有道

苗逆初假仁義名至此悖謬盡露

節相

據吭啗一一事誅討需君佐籌筆千軍恣橫掃迂疎似

鯁生一見應絕倒我方驚大巫君不鄙小草脫君雲錦

裳欲以易魯縞穆如清風來頓覺洗煩惱相期天都遊

君約秋涼遊黃山

佳約定可保和詩非唱喁聊比羞蕙藻寄語

韓退之幸勿嗤瘦島

王叔與魯生對弈屢敗而苦戰不已沓前韵爲戲

索纓老和之

弈基如作詩千首不同稟嘗聞張擬言多算以爲寶工
或齒未齟劣至項將槁急宜懲拙速緩不慮師老濫觴
初涓滴彌野忽溟瀕神龍伏深淵獨島下清昊平生不
好弄基局昧幾道笑觀同室鬪甲乘乃日討方誇匣劍
出旋詫風擲埽禦秦二敵扼入蜀三峽倒量敵懷兢兢
狂捷悔草草探穴離兔置數枚失龍縞倖勝爭獻歛垂
敗益憊惱智窮三窟破力盡一隅保我以詩寫弈紀實
無續藻不如兩俱忘遽遽夢仙島

腹疾溫鳳樓刺史以建州神麴見贈賦謝

苦口重良藥而況不苦口所貴平澹中彌見功效厚溫
侯經濟才其器堪大受一官滯風塵汲汲事奔走昌陽

視稀苓負此不龜手輪船昔同載角韻爭比耦詞章本

餘技落紙已不苟示我紀事篇孤城矢堅守文山雖已

沒事與文不朽

所撰嘉應寇變紀略記咸豐九年春署嘉應州知州前惠州府知府文晟守城

戰死事甚悉

別來蟾復圓一若閱歲久相思正棖觸意外忽

聚首腹疾憐河魚神方出肘後令我鄙吝消胸次除宿

垢所恨歡會稀未共一尊酒靈藥不輕施大鏞非小扣

願舒活人術斯民轉康阜一朝起沈疴舉世享仁壽

壬叔舊藏二研一曰傳是樓研王儼齋尙書有銘

一曰漫堂著書研周櫟園題其鄉人張吉盦蔣

杉亭所贈也今研俱亡二君亦下世檢得當時

手搨本裴卷乞同人題詠存故友之意云

片雲此日空留影雙壁當時抵斲金贗墨遺縑餘想像
劫灰難燼故人心

雜詩

武庫南城上

賓館在任家坡爲節相內軍械所

遺封皖伯都江山環列

障天地入紅爐述學多同志來遊各異途周張兼比屋

鄉語不離吳

同居華蕪芳若汀徐壽雪村皆無錫人李善蘭王叔海甯人葉圻雲巖鍾瑜西白皆

嘉興人而比鄰周縵雲侍御學濬陳小舫太守慶瀛皆湖州人也

斗室容繁辟時停長者車談天鄒衍口論治賈生書鍛

輟迎賓際某喧破敵餘豬肝累卿相敢歎食無魚

時方旱

斷屠

一卷銷長日殘暉好納涼燒痕餘瓦礫旱氣屬烟光放

牧官驛散收帆客艇忙
絲星誰最大太白在西方

芄芃坡上草闕盡道旁人
襖襖行揮汗肩輿坐望塵踏

街歌向夜荷擔喚侵晨
何處任公子釣鼇滄海濱

培塿堪凭眺誰云黃甲低
西南隅土阜名黃甲山巒宮對北江

水繞城西賊退空牆屋
時危厭鼓鼙黟山三百里安得

踏飛梯

市虎胡爲至訛言柰若狂
喧傳有虎入城傷人驚然者數日負嵎徒恃

險探穴待擒王見說長圍急
聞我軍圍攻江甯甚急應嚴反噬防

隔江頻夜火
東流建德等處時見火光困獸尙鳴張

入秋猶苦熱高處喜無蟲
旅燕如相識閒鷗自趁羣月

光遲見魄江水細生紋
去作何方雨遙山盡出雲

累月孟蘭會勤勞羽客能風雷醺壇鼓士女夜街燈天
癘眞看免田禾信已登法師如鸛鶴終日汗霑膺
上將明河鼓癡人話女牛忽翻天漢水直下大江流淨
洗欃槍氣涼生枕簟秋阿誰還乞巧瓜果拜樓頭
曉靈龍山出秋波鴈汊平關門嚴陝石壁壘壯金城地
勢連吳楚風聲厲甲兵中興仗儒將忝我亦書生

消息

消息來江左鄉關望稍舒將窮吳苑鹿不用魯連書勁
卒銀刀隊先聲霹靂車功名勞此輩何以報瓊琚

鄉夢

還鄉頻作夢夢覺不勝情有弟常分手無兒奉祭祔

齡同處穴

家與王生世彥同居

雀燕互遷衡田

謂小

門戶煩妻子艱

難過一生

九日偕縵老王叔吳

文通

北郭散步次縵老韵

郭外江流繞渚沙晴峰交映赤城霞恰當佳節身無病

小病初夢隨意登高路有涯百戰雄風消白骨

曾撫軍國荃鮑軍門超攻

克安慶時苦戰數晝夜

三秋景物斲黃花荒區況值干戈後土鏗

茅檐僅百家

陵谷無端迭變更秋風落日古空城蕭條禾黍荒耕作

辛苦江山閱戰爭溝壘居然夜郎國

偶英王陳玉成兇悍善戰置寨處形

勢鉤連頗井井

旌旗依舊漢家營浮雲西北重惆悵

謂苗逆

長淮爲濯纓

寄小田

荏苒五弦望路長音信遲十年無此別千里各相思
節物孤尊酒鄉愁繞鬢絲遙知黃魯直瘦不爲吟詩
平生重肝膽於我獨相親直道終違俗奇窮尙憫人
藏舟深歷壑障麓苦傾身宋寔南樓月應無庾亮塵

杏士垂子

其舅吳

文通

從某太守赴黔過

皖予憐其幼畱之作書復杏士書紙尾

濶別時艱齒更衰無書悵望見書悲我從失子全霜鬢
君卽多男此白眉遠適黔陽非得已漫畱皖北且相隨
亦知冀作豐城劒暫向囊中學處錐

贈姚

後源

杏前韵

漫將往事論興衰遠道依人已可悲客裏相逢重握手
尊前情話且伸眉冰霜玉汝非磨折富貴由天莫詭隨
豹隱南山須七日埋頭好鑄關時雖

贈吳

文通

再寄前韵

羨子飛揚興不衰家山回首得毋悲披肝未易定緘口
中目募難或志眉果抱純鉤終遇薛莫矜明月暗投隨
傷時更下窮途淚一樣羈栖悵立錐

謁余忠宣公墓因訪大觀亭故址得詩二首

步出金寶門

新築外城在正觀門外

西風振鼓蹇爲碑表忠宣字

大遙可眇

碑字爲署撫今少司馬彭公書甚壯偉

故祠無片瓦荆棘不待

翦崇墳煥新修正氣動追緬有元當末造區宇賊已編

鐔鐔唐元氏隻手挂傾偃威伸悍賊退令肅苗獠懷沔
陽漁人兒瑣瑣何雞犬環攻矜得意乃欲申澳忍安知
余將軍匪石心不轉濟則韋孝寬不濟爲巡遠刑于妻
子殉義激偏裨勉此邦扼吳楚腹背臨淮河一柱蔽東
南雄封實關樞時來敵將降宋末元兵下江州知安慶府高文虎迎降勢詘
良臣殄天險豈不然盈虧理尤顯愚哉甯庶人一戰遂
自疏身乎五百年黎民幾兵燹懷古感無窮傷今淚重
泣華表鶴歸來還應共韓建

懷古無端一涕零登高展眺忽忘形水來彭澤微茫白
山入池陽次第青城郭居然環玉壁畫圖真似在圍屏
元戎儉節稀歡宴不用遊觀更葺亭

野望

戰守雄區語豈夸小孤東下勢蟠蛇淮西勛業光裴相
皖北衣冠復漢家亂後人心猶盜賊市無風俗漸浮華
凭高不盡憂天意急鼓城頭起算笳

送容

宏

赴彌利堅采買機器

再歷重洋險歸來僅十年

君幼在彌國

身窮西北海

繞佛蘭西英吉

里赴

首戴地中天

彌國在地球下與中國對足底立

世運需材急良工

利器先乘槎非鑿空向若媿張騫

送姚

浚源

之建平幕仍督前韻

投戈乍報賊氛衰

建平賊投誠新復

適館良佳別又悲此去荆

榛猶慘目都緣菽水強低眉岐趨易戒行無誤處物能

平福自隨少歲儲材期建立莫教心力困刀錐

東坡生日與王孝鳳員外家璧孫琴西觀察衣言

陳小舫慶瀛劉開生翰清兩太守林若衣郡丞

用光方元徵少尹駿謨葉雲巖遊戎圻楊見山

孝廉峴李壬叔善蘭少石文杏吳穎仙文通三

文學張元素布衣綸同集縵雲侍御蟄庵縵老

先倚哨遍詞為壽予與孝鳳壬叔穎仙元素用

歸去來詞韵和之拘於律意有未盡復繼長言

天與東坡意何厚特散天花為公壽先一日大雪坐公瓊樓

玉宇閒天女擎觴獻天酒東坡先生笑開口坎壈平生

命纏斗誰知身後七百年歲歲惱人月十九諸君借我

作詩題消遣殘寒聚賓友君不見前日之雪已無有今日之雪長在否文辭變滅類如斯立德立功乃不朽君不見相公忠勇蕩羣醜眾材效命駿奔走餘蠶癡頑尙堅守入蔡奇功付誰某又不能效魯連一紙下聊城閒此飛書草檄手凍僵十指和尖叉母乃酸寒呼負負小子前致詞公語殊未剖大海納百川賢俊此淵藪卽如坐中豈乏文武才帷幄戎機參左右其餘三五少年輩乘運躍鱗紛蚴蟉書生事業未可量游戲文詞此其偶惟有小子拙且衰壯不如人老成叟雕蟲結習亦未工敢向王盧論前後中興

天子威德兼誓埽蚩尤任風后先生尙或遭此時無慮

齟齬強掣肘何以正人心何以絕稂莠流亾何以集財
用何以阜立功豈必輸後人惜哉當年未大受空言傳
世雖不用衣被儒林亦非苟公不見前日之雪豐其蔀
今日之雪光徹牖入地能令蝗種消上發英華滋畎畝
勿言變滅在須臾豫作豐年飽麤粳先生聞言頭不回
此子狂簡無所裁安民活國大人事老生常談真可咍
雪月江山何妙哉前與諸君唱和有雪月江山夜詞有酒飲我流霞杯
醉負大瓢歸去來一聲鶴唳天門開

正月大雪周孟輿

世激

著屐來索酒於壬叔壬叔

用聚星堂韵贈之屬和

重衾夜擁輕於葉三暮三朝作春雪置身忽在元圃中

如此江山大奇絕萬閒廣廈空在胸賃屋三椽恐傾折
傳聞江國大合圍醜類飢寒殆將滅紇千山雀何處飛
壯士乘城凍旗掣上元張飲此一時挾纊無煩計縉纈
我曹炙研猶畏寒袖手談空快霏屑天風吹作曼陀羅
欲與龍公鬥飄瞥周郎著屐來叩門市遠廚空餅難說
茅柴酒薄瓶屢臥勿笑廣平心似鐵

雪消沓前韵

兀坐校書如埽葉點筆臨牖聽消雪雪時畏冷今慮消
得失關情兩癡絕鳴檐鉛水不斷流墜地冰釵有時折
平陂向暖徑已露曲巷低窪路猶滅原頭野雉飢欲飛
澤腹長鯨困誰掣日光埃瞥乍回溫雲影朧明半如纈

牀頭屋漏惜殘書階縫泥融思木屑方謂飛揚勢不窮
誰知鮮耀纔成瞥陰晴未定畏天意冥晦無端愁雨說
南陽臥客不出門寫向寒氊研磨鐵

孝勾行

孝勾姓哈安慶人回種別有傳

蕩蕩皖伯城中有一孝子臂彎項復強踽僂頻入市入
市何所爲乞錢養阿嫗阿嫗年八十存活惟賴此問言
不能對烏烏畫以指勿憂勾腹飢嫗朝飽飯夕飲糜勿
憂勾身冷嫗襖重絮新且整市閒來往千百人車馬雜
沓要路津噫嘻此勾面垢塵托鉢持杖衣縣鶉有手任
經營有足力奔走欲養親不在富貴亦何有天生此勾
百不完獨畀一母長承歡君不見城郭荒蕪更十載幾

許桑田變滄海哈排巷口

居所

屋一閒母子歸然至今

在勾惟一母一兒母老子養勾豈辭乞錢養母勾有之誰爲孝子勾不知

題王恬庵封君

芝異

乾惕軒集

白日有回照奇冤甯久沈

封君爲孝鳳員外之父嘗以累成滇孝鳳萬里省親者二

卒陳情昭雪迎養以歸

投荒萬里夢反哺廿年心波浪瀾滄險雲

山蟻蟻深遺編愁展卷風雨入長吟

題莫子偁大令

友芝

唐寫說文木部殘帙卷

墜義零星證玉篇流傳知在二徐前細求浚長遺文意

屑效陽冰結勢偏半部漢書殘亦寶一編唐韵寫疑仙

六丁搜賸無多字天付先生作鄭箋

莫君別作箋與一卷虎爲之跋聚於

署節

題金谿二烈婦遺槩

二烈婦者一爲孝廉胡震恆室黃簾珠一爲廣
文黃春魁室朱淑鳳卽簾珠弟婦也皆能詩咸
豐十一年七月粵匪擾江右二婦竝投井死簾
珠幼女丁香年十四侍其大母戴避地槐樹邨
丁香投池戴亦投井俱死廣文合梓二婦詩竝
繪寒泉苦節圖乞題於時人

湛湛金谿水鬱鬱金谿山昔有黃華姑成道於其閒神
仙眷屬啟閨秀翩然仙骨雙華鬢雙華鬢兩女士大家
新婦皆才子腥風吹血虎入市生其聯吟死同死上榕

坊二婦死處槐樹邨寒泉三穴夏不溫中有烈婦孝女慈母
萬古不死之冰魂風雅節烈聚一門仙壇爾祖同芳芬
身乎能全大義亦慧根

三吳

三吳久塗炭一舉埽豺狼盡殺豈爲暴災民能不傷遊
魂驚膽落餘恨哭頭瘍惟有李飛將封侯志氣揚

題李

文杏

近豪卽送泰州之行

禾興三李風流在秋錦詩孫有嗣音江北江南好山色
劫灰磨洗入新吟

雪月蘇齋酒一尊萍蹤小集總無根

去臘東坡生日同集十四人散者半

矣熏風愛管人離別又送江湖到海門

山谷生日李眉生太守

鴻商

莫子偲楊見山李少

石周孟興李壬叔同集縵老塾庵

炎襟滌淨前朝雨來對浩翁冰雪顏好借樓頭黃鶴至
同看江上白鷗閒平生獨下蘇玉局勅敵只除陳后山
咫尺幽巖石牛洞裏糧安得畱其閒

大軍克復金陵詩上湘鄉相侯

粵賊竊金陵十二年矣同治三年六月相侯介
弟沅浦中丞身自督戰晝夜不息十有六日攻
克外城時首逆洪秀全先已怖死遂擒悍酋李
秀成盡殲醜類江左肅清

別有序

狼角變色自彼坤維爲虺弗摧化爲鯨鯢踰江淮河朔

南東西鼎沸魚爛所至則糜躪楚蹂吳鳥跡獸蹏於赫
金陵帝王所遺龍蟠虎踞穴鼪與鼪洪水滔天溺我蒸
黎我公治兵自湘而北敷心腹腸手臂戮力水涌陸驤
武漢朐克遂陵九江誓掃殘賊櫓槍退舍仰見軫翼惟
帝聖智 命總揚域移軍皖南披斬荆棘入險出險終
開梗塞皖實楚尾居吳上流不掎其角曷搯其喉時維
介弟舅齊於謀剖窟破翳窮其傷陽中丞政克安慶悍
逆陳玉成走死
東荆巢含遂鏖和州公來坐鎮居中運籌乃請於 朝
分命李侯規略三吳以次克收石城言言攻圍二年落
其爪牙猶負厥堅中丞曰吁其又可延驂我雷輶奮我
電鞭鼓角出地梯衝降天橫裂其巢飛沙騰烟梟獍殄

滅秦淮血填

帝嘉二公光復土宇爾侯爾伯伯仲伊呂而公穆然念
茲黎庶孰卹爾喪孰瘳爾瘋孰田而廬孰衣而縞申我
官箴輯我師旅開誠布公百廢具舉登民春臺歸報
聖主

金眉生都轉

安清

移居揚州寄詩索和次韻

小住蕪城賦舊遊觀濤漫記曲江頭時平大賈仍聯舶
戍罷戢兵盡脫罌十里春風前度客二分明月幾家樓
名都坐鎮今誰似盛世無須感白鳩

朝衫換著芰荷衣今昨何從論是非夢裏功成還失笑
胸中道勝自生肥短歌白水輸魚樂閒看青雲任鳥飛

廿載堦鄉風景異此閒雖好詎忘歸

西吳風月念家山都轉浙之嘉善人近事傳聞想像間千畝桑

田成斥鹵塘北九峰雲木剩苔斑釣遊舊侶多黃土清

濁湖波半翠鬟無限哀鴻思雨粟屯膏那得破天慳秋來

頗傷

何處吹簫問玉人平山闌檻又香輪將雛燕子巢初定
歷塊龍媒性已馴他日草堂畱錦里有時神劍躍延津
重來正似遼東鶴肯使腰纏苦累身

憎蠹四首和緩老

蚤自跳梁蝨處禪深機隱伏解藏身飛鳴獨爾無拘忌
眾裡公然敢鬪人

附熱趨炎不自知飛揚得意欲何之可憐一飽爲身累
絕倒櫻桃似腹時

山樓遠水四牕開占地清高風易來苦道此閒蟲較少
下坡悶甚正如雷

連朝苦熱睡難禁不下羅帷到夜深繞髻獨憐人未倦
時來枕畔作清吟

遣興四首

虎翼蛇蟠自古傳止齊步伐至今然三時講武成虛事
歎息承平二百年

敵國居然肯借材蒼頭特起占功魁壽陵學步談何易
徒使邯鄲博笑來

談兵口更勝談天獻笑軍門喜著鞭三令五申人已散
雄心空負十三篇

一礮千金百煉銅消磨兒戲剎那中深宵幾許旁人話
愁殺蒲葵扇底風

陳節婦吟

辰州楊參戎

名聲

女適同里陳生數年無所出

生從軍楚北半載病死黃州婦時年二十三誓
以身殉姑責以大義乃止既而聞生置外婦撫
州有遺腹請於父訪之已生取以歸育之如已
出婦至勤儉身任家事事姑兢兢惟恐失意節
與孝既兼之矣予尤難其不妬忌能以宗祀爲

重錢唐湯少尹

裕

以所爲傳示予因賦此詩

昔聖制婚姻所重在似續周南美螽斯勿生廣其族柰
何婦女心思褊每自局甯令宗祀虛弗任婢妾育楊侯
有好女秉質貞且淑良人志功名遠道驅征轂一身兼
子婦孝事無不足誰知比翼鳥忽爲單飛鵠一死情已
堅將母奚所屬上堂慰姑嫜入室掩淚哭天使一脈延
外婦婉遺腹不卹道里遙致此親血肉與我嫁時衣爲
君謀餽粥脫我頭上釵爲君竈麥卜一身兼子婦孝事
恐不足一身兼父母出入勤顧復阿婆喜抱孫亦以減
悲蹙寒燈照孤影朔風吹破屋軋軋起中宵十指凍生
瘃安得兒長成如滿機上幅烏乎泉下人何忍聽此曲

題馮魯川太守志沂微尚齋詩集

俯仰乾坤感慨多神鋒大略近東坡抵排眾口存公道

消納雄心託醉歌兩度從軍詩滿卷此行無意賦封侯惟願紀遊詩滿卷

集中廿年郎署轉雙幡一麾未恨馮唐老著手誰能假

斧柯

晚眺時將赴金陵

任家坡頂立斜曛兩載鴻泥爪印紛海上音書千里隔

久不得書皖南山色一江分辭巢社燕翻憐客繞樹栖鴉

各喚羣極目樅陽東北望好風吹送吉祥雲相俟先已散行

再題唐寫本說文殘卷箋異奉次湘鄉相侯韵

如蕉抽葉釋解筍浚長元文證殘本歷唐至今已大奇

尤奇得之兵燹時相君詫此希世珍勸勿自閤公之人

百八十八篆飛舞墨光浮動庸非神二徐疏陋憚徵攷

往往倒置履與巾戴同黃公紹遺書引唐本古義寥落

如參辰金壇段氏始傑出補苴罅漏祛埃塵詎知左券

正相合適復其舊非翻新廣搜載籍作箋異箸述繼起

君其倫誰持成見爭鴈鼎詰籀辨論齒露斷楊槎二解

迴殊俗楊字說解引周禮曰楊而書之二徐並誤作春

誤作春秋傳脫梓字小徐鑒察車者先自輪當時鉉錯

早見此覆轍何至迷塗循相君題辭何雋快次韵先愁

駱駝疥君與程君莫君與程伯勇鴻詔若邢尹鯁生續

貂苦菌蠹陳倉獵碣得韓蘇蛇足欲添意已盡屬君勿

飲缸面酒巧偷豪奪古亦有寶此哥舒半段檜上騰龍
氣如干將

晚泊大通鎮望九華

扁舟泊江滸九子在雲中應有山靈笑頻年西復東烟
巒不可卽晚景滿秋空借問五溪水何爲出大通

荻港

一港兼關市臨江水驛便急流迴石腳高閣枕山顛瓦
礫屯兵後帆檣落日邊待歐陽曉盜風雖未息喜已盛
人烟

蕪湖懷小田

嚴關此地重江防一宿維舟古堦旁悍卒游民徧街市

無人知是鄭公鄉

天門山

壯絕金陵第一關十年攻守二梁山而今擲在烟波裏
閒看千艘日往還

牛渚

危磯出烟波片石幽且峭風帆不可泊凝目頻返眺
犀江神駮捉月姮娥笑千古兩奇人豪情庶同調

畫舸

畫舸牙旗喜氣都倚闌紅袖曉妝塗船船盡載西施去
卻道湘湖勝五湖

送曾沅浦宮保

國荃

養疾歸湘鄉

猶寇終朝洗鞭雷破石城三江雙節鉞前拜百戰一書

生引疾非高隱崇儒豈好名議刊經史說文韶山秋正

好歸去樂承平

翠微亭

翠微亭子石城邊磴道荒蕪屢折旋繞郭江流似腰帶

照人山色皆童顛感懷朋舊卅三載王辰與同人遊坐此今零落可感坐

閱興亡七百年亭本宋紹興時重建漫問南朝故宮闕幾家廬舍

見炊烟

妙相庵

金陵園亭臺榭無復遺惟此庵幸存

佛日慈雲劫火空靈光此地為銘功遊人莫折亭邊柳

千古墩名屬謝公

今為沅帥生祠

朝天宮

朝天舊宮殿零落幾黃冠文字罹殃早

咸豐癸丑城陷二日即火道藏

勝神仙度劫難壞廊山鬼泣孤樹夕陽寒尙有橫刀卒
敲門闌夜闌

南滙石筍里人奚憲銘穎敏善讀書以父久困場

屋鬱鬱死銳志舉業從師滬城咸豐十一年冬

流賊逼浦東亟奔還奉其祖母張母顧及二弟

遷避張家港明年春賊至其地顧赴水死憲銘

挺身罵賊賊怒斷其首懸於樹而磔其軀僕仇

海亦被殺時同治元年三月二十二日也憲銘

聘室周聞訃亦自溺張及二孫旋相繼病死五

月賊去其從父光裕歸覩憲銘屍僅得足骨二殮之

人生同草木百歲何足恃惟有孝義心千古長不死負笈別重慈所願爲國士上以慰先靈匪緣覬朱紫寇從西南來猝已逼桑梓奔還挈老弱瞻烏悵靡止剝脫經冬春賊氣乃愈哆搜索及鄉隅人命如一紙忍見鞠我人捐生赴河涘口有睢陽齒手有南八指殺賊恨力微罵賊欲裂眦縣頭高樹顛怒目猶直視體骸親所生還以報母氏瑤瑟絃未彈先變徵貞魄託清溪化作蘅與芷弱孫隨阿婆殘喘焉置此六口聚黃泉若敖豈求祀生不辱儒門死足光邑史前騶擁節旄全軀保妻

子偷生能幾時奴輩猶爾恥

與縵老壬叔約以東坡生日舉舊例而先期連雨
不果及十九日乃大晴悔之然無及矣壬叔改
擬明年正月祀香山生日以公配饗作此寄縵
老

去臘荐東坡僕指如宿昔義和驅短晷飄若駒過隙金
陵公舊遊我輩復寄迹花豬早計及藉以展良覲微恨
同社人遠近多異適感茲聚散緣嘉會詎可易雨師不
解事羸霖連日夕滿街泥滑滑何處討笠屐頗疑公狀
喧借以辭賀客城北半山亭相去亦咫尺元豐七年秋
公來謁安石其一老禿翁輸汝三畝宅

公次荆公韻四
絕有勸我試求

三畝殘年赴泗州浴罷不暖席年譜公通歲到泗州十宅旬殘年赴泗州浴罷不暖席二月十八日浴雍熙塔

下到郡席不暖公同王一十三甲子自元豐七年甲子勝之游蔣山詩句也

年江遠山自碧人物此一時瞥眼年幾百介甫讀公蔣障口江遠欲浮天曰老夫平生作詩無此一句公促金

荒墩不可爭況乃尋畫戟出公蔣山詩朱門收畫戟紺宇陵介甫數與游謂人曰不知更幾百年方有如此人物

生辰先一月介甫生辰十一月十二日今古何寂寂安知非嫉妬故

遣風雨厄晨興忽開霽暖日照簾額大笑書生酸失計

劇可惜雖有六從事王叔藏未敢獻三白香山公所欽

代異情不隔待過落燈風三蕉真同釋

聚寶山

長干已無塢咸豐六年何處問長干故壘聲威在帥駐浦

此兵於堅城破敵難地荒林木盡霜重骸體寒惟見鍾山上依然紫氣蟠

夢柏篇

夢柏篇爲南昌張璠作也璠父某客死於黔無子璠母陳迎其喪歸以貧故族人子無育後而亦無當陳意者乃日夜禱於天求嗣久之夢神賜之柏植庭中觚甚旣而得璠於疎屬撫育之節彌苦璠長成極孝事陳聞於時以卑官從仕江南是時陳年餘八十矣璠恆思母悵悵不得遂養作夢柏圖自警因題詩慰之

節與柏同堅心與柏同苦此柏天所植所以報慈姥夢

中之柏枝葉絲庭中之柏閱歲寒春暉可報堂有護來
游來歌鳳與鸞

與縵老壬叔魯生湯衣谷裕同出朝陽門游鍾山

輿中戲作

天公妬遊人雨雪屢相鏹連朝稍放晴相約如脫兔鍾
山遠招客爽氣豁塵霧東出朝陽門肩輿騁飛步輿夫
向我言笑我作計談皇城久爲墟宮殿今廣路郊垌寂
人烟登陟何所慕秦淮多佳人漸已復其故豐頰長蛾
眉妝飾雅且素弦管調新聲一醉忘日暮聞言謝輿大
性與時好忤惟有山水懷訪古差自娛去聲城中多少年
知音曲能顧黃金買歌笑纏頭不知數曷不肩彼行殘

炙亦得哺與人作肩輿苦樂惟所赴山水有何好粉黛
有何惡古人不可作惟有丘與墓所憐頭白翁老尙不
知務

明孝陵

匹夫爲帝王劉季此其偶橫遭狐鼠辱出五百年後故
宮旣已蕪寢廟復何有惟餘饗殿在壁立對陵阜我
朝於勝國恩禮一何厚王師渡江來片瓦不忍蹂
南巡邀盛典祭拜親奠酒誰令粵盜乘蹙躡
噫可詬當時平寇竊所至如拉朽徐常諸將帥智勇豈
功狗祁連陪葬處約略存培塿神靈彼何依十載徒束
手豈眞么麼輩特出值陽九抑或亡國餘呵護亦不守

言不三
即今曠惠施我

皇及

斗聖后經營遵古制修葺母或苟遙望氣蟠龍依然燭牛

與縵老王叔魯生陳小浦廣文方坦游元武湖卽

事

朝出東北門平堤淨氛埃湖光與山色令我眉宇開洲
嶼近可渡所恨無亭臺羣衣陟崇丘絕磴從高來想見
大雨時飛瀑如驚雷山花不知名吐豔隨蒿萊其南接
龍尾俗名龍脖子去夏我嚴城勢相迴偏師破空至賊
膽那不摧英雄有同見何必南齊崔南齊崔慧景遣千
軍從此處地道破城人魚貫繼鍾山西

岩夜下鼓譟臺軍仰瞻鍾阜巔巖巒鬱崔嵬俯矚全湖
驚清疑卽其處勝景物靡不該茆店一兩家雜卽連春醅舍我輿與馬
勝馬生同住山水隈春鉏爾何傲獨立方徘徊

卞忠貞公墓

一戰全忠孝西陵致命時逆臣天豈佑大義病何辭片
碣依高冢荒基辨故祠握拳長不朽餘烈在孫枝卞族今有

次韵和李芋仙刺史

士葵

述感卽送之江西

相逢漫賦莫相疑肉眼憑人論黠癡荐士有如侯叔迨
好賢終賴鄭當時一麾襍被仍循吏幾輩弓刀逐健兒
此去西江虹貫月米家仙舫舊來知君舊宰彭澤喜富籍書畫收藏頗富

秋燕次錢芝門閣讀恩榮韵

一襟涼雨睇重門半晌呢喃語尙溫北里苔荒迷舞影

西風簾捲失巢痕相逢華屋都如客只賸空樓亦感恩

紅杏枝頭春易轉星星香夢細尋論江城華屋半燬於賊半熱於兵僅有

存者占爲公所逃人歸者反賃小屋以居

衰柳斜陽舊苑門闌干人影憶畱溫歸來遼鶴同身世

往事春駒其夢痕曉幕無風窺起早生綃似玉見承恩

炎涼說與初飛鴈語蟀哀蟬未許論

九日廖養泉司馬綸葉雲巖招與縵雲王叔黃亮

甫光國琴川涇祥兩太守飛霞閣登高次琴川

韵

最難重九無風雨風雨還當著展來高閣羣仙同日聚

長天霽色一時開濁醪未用王宏送故國會勞庾信哀

滿目雲山明鏡裏竝東北兩面盧龍環接雨花臺

柳州遊記已先鳴綬老出新作飛霞閣宴遊記傳觀宣遠詩篇脫手成

高會南皮新結社雄才北府舊談兵琴川向在德興阿公統帥幕六

朝勝蹟空江表一角齋壇剩冶城飛霞閣在朝天宮大殿左僅存牆壁費樟

近議於宮址改建郡學廖君實井列寒泉甘可飲於閣

總其事因修葺之以息司事者

下得舊井浚之泉清而得閒便訂此閒行

縵雲招與杜小舫廉訪文淵都芝仙孝廉國樑陳

小浦李少石壬叔同集飛霞閣為展重陽之飲

次縵老韵

好秋天與展重陽

借元唱句

可有他鄉似此鄉繞郭螺環千

髻翠堆盤蟹綻一臍黃相逢盡說錢王里獨客慙登鮑

諸君皆

浙西

卻憶

橫雲

舊池

館幾回

沈醉

菊花

觴

松郡

北

城

松郡

北

城

松郡

北

城

老場

諸君皆

浙西

卻憶

橫雲

舊池

館幾回

沈醉

菊花

觴

松郡

北

城

松郡

北

城

松郡

北

城

橫雲

諸君皆

浙西

卻憶

橫雲

舊池

館幾回

沈醉

菊花

觴

松郡

北

城

松郡

北

城

松郡

北

城

次韵酬李少石

三年趨走謁公卿相對塵顏太瘦生坎止豈期能出險
飢驅何事更求名朋儕聚處真成樂詩句偷閒各有情
可惜買山猶未得不然歸去其藜羹

次韵酬黃小田見懷之作

只謂半年別因循卅月餘真成退飛鷁屢負上潮魚易
醉非關酒將歸嬾作書傲霜猶有菊此約定無虛

第一關心事江鄉大有年

來書云爾

亂餘如隔世困極或回

天令肅遐方格時平境吏賢銜栢詒新政計日機歸船

飛霞閣晚眺同縵老作

山林意無盡夙好同所敦東厓月屢至未厭登陟煩翼

然見兩廡焚檠煥已軒左迴鍾嶺勢右俛江東門非茲

氣象迴焉識聖道尊循櫺眺飛霞晴日山氣溫彩翠映

几席晴輝變朝昏寥天送孤鳥寂聽忘眾喧物生各有

適俯仰良可欣貪夫慕黃屋

城東北隅為偽天王府

蔓草終自燔

見野燒乾坤固清夷擾擾今何存廉靜諸妄息祇與愴者

論菰畦淨寒綠茅屋帶斜曛結鄰倘如願學圃山之根

蘇文忠公生日縵老招同汪梅岑孝廉

士鐸

陳作

梅觀察鼎倪豹丞刑部文蔚李丙叔筆贈莊中

白忠誠兩提舉葉雲巖廖養泉陳小浦李少石

壬叔及令弟詠花兵部學洙鏡芙吏部容第喬

梓集飛霞閣

雅集申前約前冬約新春入舊年是日徑開殘雪後花

占凍梅先養泉覓得唐花今古幾彈指江山一寓賢昔

遊應更憶風景只茫然

一笑蘇齋客依然十四人癸亥之集弁陽舊賢主謂緱

巴曲故鄉親養泉巴品地兼仙佛鍾靈在甫申坐中誰

李委腰笛和迎神

傑閣東巖上嵐光映午晴東風吹玉屑獨鶴下瑤京天

意小遊戲人閒變晦明如憐太荒索特與發奇情

是日大晴

午後忽雪已而復晴

復此承平景

亥冬之集節相聞之喜曰此承平景象也

全消羈旅愁閒情公

印可清境眾淹畱

盛治開元祐膚功協

廟謀彭城

形勝地上相正紆籌

破公守徐曰上書極言地為南北襟要而京東諸郡安危所寄時節

相駐軍徐州朝旨移營東省

舒藝室詩存六

南遷張氏陳盤彪

江上

雙輪激浪鑿逆風船如天馬飛在空青山滿眼不可卽
惟見隔岸桃花紅紅桃綠柳春長在兵氣消磨已三載
長鯨斬盡大江空直送江流入東海

此地

此地疑甌脫云誰後患懲喧賓偏奪主深谷盡爲陵商
賈頻年減笙歌比屋增不愁焚玉石鑿壁眩傳燈

煤氣通地作燈中
國好奇者從之

孫女阿葆

離家今四載襁褓已雙了走避渾疑客孤生未識耶倚
嬌頻索果愛好欲簪花嫁汝知何日吾衰滿鬢華

題姚石一

其鈞

頑石圖

卷石生高岡胡爲落塵土上無松柏陰下與瓦礫伍負
此礧礧姿巧匠若無覩幽人拂苔蘚愛此質椎魯塊然
吾與汝交道庶終古慎勿學卞和刖足徒自苦

郡城感舊

殘磚敗瓦認模糊故跡難尋陸瑁湖卅載朋儷遊息地
春風吹不到榛蕪

傷抱甕居故址

張涇堰上屋數楹正對園扉溪水清圖書爲我作師友

松竹與人同性情晚菰早韭有餘味春鳥秋蟲無俗聲
今日遺墟還自弔六年殘夢太分明

上畱田

行至上畱田不聞鴉鵲聲華屋爲丘墟莫辨室與庭常
棣不復花荆樹無遺榮深栽百年久翦伐誰使令沴氣
夙已滋會與妖祥并飄風一朝至根本忽以傾栖栖失
林鳥三市徒飛鳴海畔多梟鳴誘汝啄腐腥猝然遇矰
弋同爲盤中羹胡不學鸞斯故巢猶可營悲哉上畱田
蔓艸無人耕昔我嘗三宿感此涕泗零冤魂如欲語白
日悲風生

屢與小田遊宴而無詩別後卻寄

言不

四年離別苦相思相見還如未別時
傀儡逢場聊遣日
壺盧依樣嬾吟詩
鄉心歷歷三杯酒
世事悠悠兩鬢絲
萬戶江城同調少
童孫撰杖欲何之

頭顱七十未龍鍾
小喜東南已息烽
先德三朝恩重

湖編年一帙卷方終
撰勛敏公
孤甥每愛何無忌
謂吳

孝家學尤憐阮仲容
子九廣文繪
居是火城門似水
阿

翁餐菊子吸松
嗣君子容方署上海丞

東坡生日雨陳卓人太守
立韋守齋都閫
長貴
丁

犀方明府
壽保
戴子高廣文
望
暨縵老王叔小

浦中白同集飛霞閣

挾辰大雨天
破慳公來笠
屐喜展顏
年年此閣祝公壽

公壽合比龍盤山閣中主客半新舊下拜同此香一瓣
置身卻在水精域萬景都落軒櫺閒恍惚霧豬祈雪處
斷山若玦連若環凍雲四合意未已高下滅沒烟中鬟
秋冬苦乾種不入老鴉啼啄何太頑聞山中麥種多爲鴉所食大無
麥苗春可慮亂後那可逢茲艱先憂後樂公素志神力
似憫蒼生瘼甘霖瑞雪一朝至龍公或者功補患風從
北來盛號怒潢池盜兵師未班烽連商雒民困極奏事
欲乞鳴天關願公少畱聽終曲天邊白鳳驂公還

題瓊浦歸帆圖

金雞一唱開天門扁舟解纜扶桑根蓬萊方丈若可捫
扣舷坐嘯天渾渾天照之裔磐余尊神武開國數并吞

日本書紀言其國如祖爲日神號天照大神三傳至磐
余彥大征諸國建元神武歲在甲寅以紀推之當在中
國周惠王求仙徐市今何存童男卅女長子孫海外此
十年也亦桃源邨成豐末多避豺狼斬斫狐鼠馴歸來故山家
室敦九峰茵鬱喜氣春本乍浦人四千餘里幾盡昏滄
波東望惟朝暾

湘鄉相侯將至江甯

春風滿郊甸知是相侯歸頓覺江山壯潛生艸木輝投
艱舒國計望歲廛民依本爲匡時出誰云素願違

連日與纓老亮甫壬叔孫澂之廣文文川唐端甫

文學仁壽宴集陳月洲司馬恭釗樸園次纓老

韵卽贈月洲

勝遊無處問漁樵
剩此園林興倍饒
時過曲水初三節
地似南塘第五橋
顛來拜石花宜笑
醉罷揮杯月可邀
莫訝家風慣投轄
元龍豪氣未全消

曲徑迴闌上小亭
但逢佳客眼常青
閒中覓句同無已

有覓

句廊老去編詩過古靈

月洲年逾強仕積藁已半尺

依池補柳思恭

緒隔砌栽桃避尹邢

細桃欲謝而碧桃初開

倘許花時頻載酒只

今賓主共忘形

喜晤王孝鳳京卿

和荅蟬聯哨徧歌
山城殘雪拜東坡
五年重見秦淮上
君亦蒼顏我鬢皤

墨磨盾鼻氣如雷
下馬飛書殺賊回
君在湘鄉相侯軍中總營務
又

脫征衣換朝服只今廊廟正需才

君以軍功徵補五品卿

移局飛霞閣寄廖蒼泉司馬滬城

同治三年初復金陵入城訪冶城山朝天宮廢址見飛霞閣薨櫟僅存戲謂安得修葺爲登眺地其明年官紳議以宮址改建郡學巴州廖君督其工稍葺此閣居之同人屢來遊宴去秋竣事廖君請移書局於此合肥李宮保以爲然今春湘鄉相侯回江督任尋前議遂遷焉

戲言竟果當時願那得人生願盡如入眼雲山都舊識
當牕花竹適相於汲泉灌圃還芟艸

王叔以地高常受日曝不芟園艸以

護樹根

愛月登臺罷勘書寄語東遊廖明略鵲巢今已定

鳩居

予臥室
君舊寢

喜雨呈湘鄉相侯

冬春久屯膏及夏猶吝施屏翳彊作雲風伯輒沮止迄
今芒種過我藝吁可俟下田無水辱高田苗欲死巫覡
詎足誅社神徒享祀或言兵燹後凶荒每相比或言民
俗殯餘劫懼未已惟公作霖雨愆伏資變理齋戒肅禱
祈未旦先櫛纚走求甘露王初禱雨甘露庵虔請功德水取靈谷寺
入功德水供之以致驗慈悲仰佛力三日一霑灑蔚然四
野蒸艸木皆色喜公曰嗟一方大澤當廣被減從出東
門徒步二十里一身爲蒼生誰云卹勞罷龍宮聿震動
急喚雨工起靈官擁幢節雲旗風旖旎甘霖不在猛雷

車但殷爾滂沱下九霄優渥無遠邇農夫額手慶相勉
力耘耔行者歌于塗賁者舞於市一誠消百疹天意亦
返視公曰上帝仁予德焉致此先憂後宴樂賓筵陳百
醴鰕生寶瑣瑣亦得預盤匱側聞大河北赤地絕于糒
畿輔尤阻飢發粟伊何底昔者桑林禱六事請罪已陳
善公素懷曷以獻

天子

與縵老唐端甫陳小浦觀察觀荷元武湖和縵老
梅雨欲斷天未晴觀荷急約侵曉行城頭鍾阜久相待
白鷗憶汝三年盟樂遊原過近出郭懷袖已覺芳香盈
長隄一望意轉驚綠雲漫漫廿里平淩波仙子不可卽

正似隔海求蓬瀛司城解事呼老兵兩舟分載細竹撐
須臾忽已入花裏線路直與鳬鷺爭紅妝千百齊笑迎
左圍右繞錦作屏八姨素面尤茗亭眾中無言獨目成
童童翠蓋旗與旌飲我仙露承金莖卻疑身到眾香國
不然便是芙蓉城中央小泊上洲渚豆棚瓜蔓嬉婦嬰
武陵桃源亦耳耳安得三徑開柴荆燃藜當日照圖籍
乘蓮應來太乙精嗟哉往事不可說江山落落天地清
迴船乍聽提壺聲碧筩無酒空自擎水雲漠漠風泠泠
天公有意縱此情扣舷有客倡高詠愛薤誰似周先生
無端

樹影扶疎竹影橫半牕涼月聽秋聲無端四十年來事

百念偏從靜處生

趙季梅中翰

彥脩

招與李小湖廷尉

聯榜

劉叔俛

文學

恭冕

壬叔端甫子高同集學齋卽事

嘉會無俗客因知主人賢誰云苜蓿盤珍錯羅芳鮮意
餘酒食外享在儀物先縱論探古昔高情極談天循涂
非一階至道詎在偏在喧固宜息由醉毋乃愆哲人貴
和光埋照天自全宮牆既不遠孰敢矜斐然

東坡生日錢子密京卿

應溥

吳摯甫閣讀

汝倫

黎

純齋

庶昌

周陶齋

銘

兩大令暨陳作梅劉開生

葉雪巖鍾西白趙季梅陳小浦縵老端甫王叔
孟興同集飛霞閣用臘日遊孤山訪惠勤惠思

二僧韵二首

鍾山雲氣壓後湖

用蘇子容例

兼旬釀雪一點無
天門晴開

跌蕩蕩半空笙鶴聞遙呼客居不念妻與孥
良朋會合

聊宴娛常年此日例薦芷野服每隨青紫紆
妖氛殄滅

安井廬西山寇盜勢漸孤

合肥李宮保大破山東股慄降其眾惟山西張逆一股未

滅長江千里坦如席豈有伏莽遺
萑蒲優游我輩皆仙

夫痛飲一任西日晡惜哉雲林不在坐
丹青爲作弟二

圖

乙丑之集倪豹丞山長作圖

花豬大嚼饜餒餘醉眼見公狀
蓬蓬

新詩投我覺已逋天風海濤不可摹

卅年一夢西子湖湖邊樓觀今在無
歲寒巖後巢居閣

拍手笑把山靈呼梅花可妻鶴可孥
後車不用隨清娛

題詩往往在巖壁狂墨橫斜春蚓紆當年二惠此結廬
天親無著德不孤東坡先生來度臘我亦踏雪齋伊蒲
行年六十成老夫欲訪昔遊畧已逋殘燈洗盞讀公句
林深水清如畫圖倦來僵臥薄醉餘蝴蝶非幻莊非蘧
夢酌寒泉薦林逋湖光山渌誰與摹

某烈婦詩

烈婦續溪胡氏女適同邑某翁季子四年姑前
沒翁年高長次姒先後嫠婦不得於翁遂不得
於兩姒亦遂不得於夫夫病篤謂婦我死子奚
若婦默然夫曰盍死婦曰然則死爾夫死婦遂
不食有勸者翁曰此我門戶光也益辦婦身後

事婦竟死後其夫四日同治六年四月七日也
翁乃大治喪浼人言大吏請旌表或曰婦死時
見夫來迎香滿室或曰烈婦雖不餓亦且不久
存作烈婦詩略其夫族詩爲烈婦作也

有尊宜事有子可嗣輕生殉夫事亦可止夷齊首陽秦
穆三良程嬰報友志在則行夫生妾生夫死妾死息壤
在彼妾死何俟非不欲餐柰此斷腸郎其來迎香車在
房謝吾族黨慰我妯娌孝養吾翁願復吾子

縵老得舊牙章文曰督師輔臣史可法章約同人
共賦

碧血丹心煥大名詞人懷古首同傾一隅孤立空銜在

四鎮紛馳將令輕龍種清狂非日角鴻溝飛渡況

天兵莫將成敗憑苛論此亦文山玉帶生

與縵老子密小浦王叔游靈谷寺新建龍王廟觀

八功德水訪誌公塋

赫赫新祠廢寺旁

靈谷寺旁舊有龍王廟毀於粵寇去年大旱湘鄉相侯禱取八功德水屢

應因重龐眉何處識龍王不因救旱休輕出春來多雨好護

甘泉惠十方

岸谷遷移事莫憑

誌公墓本在鍾山下明營孝陵移此荒涼塋院付孱僧

一般瓦礫今餘幾卻向孫陵望孝陵

園中碧桃盛開同縵老王叔作

地占高寒俗豔空枉他千樹關天紅尙嫌冶李非仙骨

翻遣江梅在下風紅園多本色道人心似水清修世界玉

爲宮幽棲莫放漁郎入望斷晴霞霽雪中

園中白牡丹同縵老壬叔端甫作

姑射神人絕世稀重樓春暖玉池肥時流藻績胭脂賤
仙國榮華錦繡非誰道孤高無厚福轉從富麗見清機
窺園幾許誇姚魏金紫都應媿白衣

奉次湘鄉相侯韵贈巴陵老儒吳南屏敏樹卽題

所著國風原指後

閉門拏經幾礪筵攝齋升堂五鹿推等身著書老更健

一舸浮江遠宵來洗兵欲傾東海水吳君將編訪舊重

話西廳槐祇園小飲今雨集四月五日趙惠甫招同縵

施是日大雨急漙共聽飛湍逐良玉在璞有含蘊和風蓄人
無錫乖文章不拾韓柳唾詩句恥撥陰何灰卽今東南
漸舒困雖有旱潦仍免災中興弋亂首郭李名世重望
專伊萊保障巖疆眾所母包羅賢俊公皆孩大施文教
剔鼠蠹豫養蒙孺消蠹豺感通情性孰詩若動言淫奔
毋固哉好學深思在達識以意逆志非浪猜攷求篇什
曩有願中值干戈茲久隕當時借物託褒刺正似微詞
書定哀會正人心抉茅塞先明古義祛塵霾維侯勲業
白日爛吾子撰述秋霜皚衰慵自幸窺豹管流俗何恤
驚蛇杯國風旣看癥結解雅頌亦冀康莊開郊禴履拇
未敢信勿狗鄭說誣姜邵

前詩成獨後諸君復依韵解嘲仍懷南屏浙遊

我臂之器箏與箏

急就篇箏箏箏

竝諸瑚璉色蚤摧鄩風

濫附十五國請樂媿遇延州來又如棗施本小艸敢比

橘柚聯榆槐昨者華鐘發鯨吼金罇玉磬羣相虺自憐

瓦釜不成響欲和先愁音律乖餘生分擬擲溝壑何意

黍谷回寒灰月靡廩給陪眾彥每慮福過翻爲災朝暉

夕陰徧胸臆路人遙指疑蓬萊有時喧闐車馬集驚飛

山鳥奔鄰孩那知舐筆校書處五年前尙蟠狼豺君來

登閣一舒眺六朝繁華安在哉君家園林洞庭上出山

不憂援鶴猜一誠待物無外飾古道誰謂洪荒隕安得

人心盡如此定看虎化還牛哀 國家威德布吳越櫬

言才
槍盡掃無氛霾荒涼城郭經劫後艸閒殘骨餘皚皚東
遊四明觀海日顧憶沅澧坳堂杯新詩滿囊歌載駕平
津東閣當重開歸程應弔卑猶家不學公劉出自邵譜
謂公劉自邵而出顯違外傳
辨見國風原指故戲及之

送陳喬森孝廉下第歸雷州三沓筵字韵

燕尾涎涎魚尾筵長鳴一鶴翅獨摧逢時自有奪標手
君非其人胡爲來遠離父母九千里跋履幾蹋長安槐
燕都地瘠況遭水蹂躪更受羣豬壓近築長圍誓殲賊
寇賈竝列情無乖公忠體國去私怨勿畱餘蠶重然灰
同仇恤鄰古所志雖在敵國猶救災齊東一隅良富足
創痍恐復遺青萊耕當問奴織問婢何至老嫗憎綳孩

飼鷹飼虎術各異牧獸未聞兼育豺

以上皆劉贊三策陳君語

一不用功名於我何有哉投竿東海下南海逸氣不惹
閒鷗猜淮堧朝見裴叔則玉山朗然初未隕詩篇盈冊
見情性閒叶豪竹無絲哀西浮章貢陟大庾長嘯劃破
江山霾入門懽笑拜家慶倚廬二老絲添皚人生孰如
事親樂上壽跪進南山杯當前菽水勝五鼎要使老人
懷抱開倘問神京話全盛請從昭穆追封郃

梅雨不止四沓筵字韵

清晨急點如豆筵亟起惟恐牆壁摧繞閣羣山盡滅沒
雲氣腥挾蛟龍來李侯鼾睡亦驚醒

壬佳

夢尙戀南柯

槐池蠅附勢鳴得意助以萬鼓同喧豕坐令胸几黯於

漆把卷頓疑眼力乖自春徂夏阮谷滿誰能豫蓄媯皇
灰江南耕種恃梅雨常例豈敢論平祥災去年江北大
荒歉兩遇旱潦田汙萊飢鴻徧野苦求食率老弱連
乳孩逢人叩頭手指口一錢難似羞謀豺正慮今年復
如此天於爾輩何靳哉人心蝨賊終未去世事反覆吾
忍猜李侯披衣忽大笑昔已迂謬今更隕書生所志飽
暖耳戚戚無事徒生哀請呼長風自天下一掃萬里消
沈霾并逐閒愁出天外勿使人閒元髮皚紅雲一朵捧
初日酌酒勸以流霞杯想見江南新雨足綠蓑青笠平
疇開閑閑十畝樂莫樂肇祀豐年歌有邵

送容純甫再赴彌利堅

地厚三萬里徑一三其周此至墨瓦蠟路實半地球匹
於四天下獨自成一洲彌國雖後起雄與英佛侔代立
效契丹擇賢與眾謀賢哉華盛頓立法今率由容君長
彼方燥髮習眾咻始誦希臘書餘者以次求祿理熟幾
何字母別舌喉觀天識象緯察地分剛柔化學宗抱樸
音律徵州鳩格物以致知一一窮冥搜成童詣已進自
黨旋升州舍去歸中華明珠欲誰投俗士駭奇論擣舌
張兩眸高才應世出長揖湘鄉侯秋天見鵬鶚信非凡
鳥儔奉檄采輪機再賦知北遊老馬貴識塗往返不兩
秋布衣使絕域六命未足酬五口旣通商彞賈沿海陬
利權攬華商欲以一網收華商日以貧國計大可憂君

乃獨奮然陷盾仍需矛人亦同此人舟亦同此舟海亦
同此海浮亦同此浮豈有彼所能而我必不猶磨杵可
作鍼集腋終成裘請爲豹隱霧試與豺謀羞條陳諸事
宜纖屑無遺籌徑航太平海由廣東至北瀾利堅向須
繞道歐羅巴今太平洋有
船則由南瀾
利堅直達矣半載期歸休爭馳江海閒會慶成梟牟奇
肱昔朝殷成湯毀其輅公旦作司南越裳感首丘技巧
非治術遇事聊一修聖賢豈不知持源慎其流竭來二
十載世局頗謬悠喧賓久奪主蹄跡隨所蹂鄉愚眩新
奇詫謂天故優惟君幼所習見慣無殊尤有爲亦若是
志定氣自適古者重邦交亦以聯同仇神堯用突厥諸
葛和孫劉彌人素恭順與彼殊薰猶犬牙勢相牽排難

資捍振苟能審彝情毋使愆乾餱匈奴掣右臂西域皆
置郵國威今始振及此宜綢繆誰能效長策命爾朱
軒輶仲夏日甲辰大風何颼颼耿耿倚天劍幸勿笑蒯
綬酌酒以贈君去斬長黃虬

山谷生日縵老季梅壬叔端甫同集飛霞閣用觀

劉永年畫角鷹韻

誰言曹鄴非楚敵朵頤江瑤豈痴癖瓣香敬爲黃涪翁
遺像蕭然見顏色排雲一笑大江橫浩浩天風振鸞翮
先秋七日伏正中忽作新涼殆神力坡老仙才如太白
惟公學杜能守黑西江社派戴初祖畢竟幾人曾面壁
祝公兼復祭公詩以公集陳几筵欲借金壺漑餘墨覓句同懷

冰雪心舉枯都忘去聲炎威赫龍井不輸雙井美龍井老滿

來有似醅醪灌胸臆竭來澹薄壓蒨蒨大酒肥魚今破

格勸君良會須盡懽此日不飲劇可惜閣前明月八分

圓便泛秦淮計亦得約泛秦淮不果

與王叔端甫後湖觀荷卽事四首

特爲觀荷起四更覆舟山下待鷄鳴殘蟾欲墮曉風急

花香入城人出城

蘆簑新添兩槳船急篙撐入綠雲天風裳水佩仍無數

猶道今年遜去年

深紅花閒淺紅花映射初陽豔更加偏有縞衣藏葉底

不將顏色鬪朝霞

花爲四壁屋爲船洲上人家水作田徧種胡麻不留客

洲上多種脂麻客來飽噉有新蓮

送王叔以算學徵入同文館

聖朝特達崇天算二百餘年兩勿庵知是觀臺占象緯
進賢星自麗東南

西法流傳逐漸新借根對數已稱神一從羅密書翻後
代微積拾級米利堅羅密士所著謂代數及微分積分也君從英人偉烈亞力翻出又使前賢歎積薪

律度量衡事本連誰從墨翟溯遺篇

墨子經篇有涉算學重學者讀者每

忽成書細譯胡威立機器無如重學先

英吉里胡威立著重學十七卷

君從艾約瑟翻出

貫徹中西別著書言皆心得理非虛遂知梅氏藩籬淺

北薛南王更唾餘

所著有則古昔齋祿學

薦牘登崇首郭公

前廣東巡撫郭中丞始以君名入告給資津遣有南豐

謂湘鄉節相

人言此去非輕出數學昌明萬古空

習算同文館特開搜羅賢俊上金臺通商別具平戎策

要試強兵富國才

君論算學一明即可強兵富國

磨看朝暾與晚晴六朝山色最多情涼宵仰見長安月

夢了秦淮夢冶城

僂指論交廿載深頻年客舍復同岑直言寄贈思良友

欲擬觀瓶續酒箴

同治癸亥夏予自滬赴皖同郡胡遠公壽屬勸王叔少飲

溫鳳樓刺史由武進令調任金山沓口字韵詩見

寄奉酬

相知不在面結交不在口新詩與書來深感用意厚鹽
車酬小試百里隘所受卻聞甘棠陰常郡城內有甘棠橋過者慎
趨走柘湖海一隅下邑屈老手算齒依諸侯媿彼沮溺
耦傭書給衣食自待亦已苟躍冶多少年庸劣竊自守
虛名復何益分與艸木朽寤寐思釣遊不謂因循久高
才作循吏於君指屈首召杜與龔黃豈必異先後好善
如好詩去惡如去垢遙知告秋成飲蜡將進酒兕觥獻
使君歌舞甕自扣誓將整歸裝小別辭鍾阜鞠脰躋公
堂添籌祝三壽

送湘鄉公移節畿輔

別有序

江南幾陸沈惟公實再造比年加潤澤漸以起枯槁苦
熱與汝涼苦寒與汝燠祈雨雲油油祈晴日杲杲仁心
隨所感藹莠化禾稻祝公畱十年使我家室好民肥公
愈瘠

天子恤元老詔公歸京畿公歸一何蚤虛茲借寇情歎
息到窮媪有媪至陳虎臣司馬家曰聞相公將去曷不請畱

以公爲嚴師百司自相程以公爲慈母百姓皆乳嬰軍
旅思教養依公爲父兄遠邇慕聲威望公如神明公曰
我何施施之惟一誠一誠之所格足以通物情誰爲後
來者此意無改更蕭蕭西北風吹公東北征冀公一日
畱緩公一日行

冶城一培塿忽復成泰岱巖巖夫子牆三山孰敢背聖
澤所殉流儒末同灌漑惟公振文教亦以恤士類嗟嗟
窮老生亥豕久自昧侯門多濫竽忽忽踰五載進固匪
所思退亦敢輒退遷史百廿篇讐校詎一再明年剗剗
成歸去還種菜

公來山川喜公去愁山川山川何愁喜人心視之然鍾
山何連連豈無豺虎踰江水何湛湛或有蛟龍眠阱亦
不在陸網亦不在淵消弭固有時須公畱十年豺虎爲
麋鹿蛟龍爲鮪鱸江水何湛湛鍾山何連連旌麾一回
顧目極東南天

東坡生日孫琴西觀察

衣育

陳子舫

慶瀛

郭慕徐

詩有六

階兩太守葉雲巖副鎮所莊守齋司馬祖基暨

縵老子密小浦端甫季梅同集飛霞閣時縵老

將歸湖州而孫陳兩君皆癸亥冬在皖城同此

會者相隔五年矣琴老先成長篇頗述聚散之

感撫今追昔不能無言

江樓荐芷憶銜栢山閣賓筵又幾回自乙丑至此六載

朋懽憑地主一時游讌見人才魁垣轉建晨星散湘鄉公北

行寓公萍水重逢舊雨來為誦雪泥鴻爪句東西蹤跡

信難猜

竟甯鴈足鐙高建初尺六寸一分盤高九分弱徑

五寸二分強盤沿題識云竟甯元年考工二護

爲內者造銅鴈足鐙重三斤十二兩護武舊夫
霸掾廣漢主右丞賞守令尊護工卒吏不禁省
又一行云中宮內者第廿五下少空又云受內
者凡五十四字先在維揚馬氏厲樊榭有詩展
轉歸吳縣潘季玉布政曾璋蒼閒艸堂湘鄉曾
劫剛公子紀澤眎布政拓本屬題

錠體似登古製明巧匠變式由西京何取乎鴈能知更
何取乎足行列平虛韓八朝懾炎靈繫帛不勞蘇子卿
制器尙象紀厥程年題孝元元竟甯重六十兩中古衡
省者五人署職名爲內者造工護銘五十四字雲中星
翁覃容汪甫前後攷釋精邵老莫子晚出尤錚錚就中一

字疑難訂為考為寺皆殊形

考工二護正與建昭鴈足

考作或此似作書文較漫漶耳

達人自寄懷古情雞三

夔一母啟爭養閒艸堂彝鼎盈對之奚翅面百城千九

百載此器呈流傳歷歷非杳冥安得建昭鑑合井足不

孤立雁序成

歸舟遣興

歸期早已卜前秋雨度春風又石頭惹得山中猿鶴笑

有誰催去為誰畱

小別傾觴借饒春相逢客裡最情親

韓叔起刑部趙季梅唐端甫招同孫

勒西觀察李小湖

傷心知我黃公望

小田下世

此去鄉

關少一人

我是行人復送行

留劄剛倚舟北上同行至瓜洲而別

行人相對不勝情

大江東去瓜洲步同路分船又一程

咫尺松篁近可攀七
之四度過焦山前身我是華陽鶴

一墮紅塵不許還

飛輪過處滿江烟奇器爭誇下水船到得逆風猶減力

可知人巧總輸天

讀書秋樹根圖

十年種樹在根深展卷悠然望古心費卻栽培無限力

者番消受好秋陰

姚吉仙女史

其慶

以詩來質次韵畱之

高才幾輩競偶詩敢冒評量一字師亂後心情真廢井

愁來髣髴久成絲支撐柴骨終寒乞數衍囊書又詒癡

詒字篇韻皆平聲何事織綃雲漢手願將剩錦問巨遲

見見聞聞盡入詩多師何必定專師夙聞道蘊吟風絮

已遣文姬解色絲女史幼慧父魯徵實更須參語妙翻

空原不思思癡揮毫落紙毋求速學繡鴛鴦要巧遲

訪篠峰山居翌日以詩贈行次韵奉舍

查岑近海堧授餐昔適館忽忽四十年蓬萊竟清淺惟

此歲寒心松柏各自勉榮枯隨世變勿歌棗纂纂陋彼

賤丈夫居奇祇圖藏盜賊如飄風急難何幸免扁舟訪

舊游便結漁樵伴雞豚爲我具夜雨韭新翦招邀二三

子坐客何必滿浮榮我久忘失志君奚瘡所恨良會難

衰年尚蓬轉

寄溫鳳樓刺史三香口字韵

時署金山縣事

吾懷趙廣漢者不容口峻法實衛民用意亦良厚吾
懷尹翁歸千請一不受案籍誅黠豪盜賊皆卻走頗聞
江浙交姦先夥游手博場酒肆間十百聯眾偁黑夜肆
狼貪白日行狗苟强暴猝相乘貞絜幾不守良牧務去
害大匠豈彫朽況乃從賊徒網漏亦已久執豕先縛足
斷蛇宐折首刑亂用重典及此大寇後一朝醜類絕有
若骸去垢雨牕校班書每每澆濁酒寬猛與恩威兩端
理可扣執中以達權庶使民物阜姦人不入界吾懷韓
延壽

示姚吉仙女史沓詩字韵

詩裏尋詩豈有詩
土詩要以古爲師
花非蜂釀難成蜜
葉到蠶眠盡作絲
愈字不仙須待化
借書能讀豈云癡
卽今奉母猶多暇
自課何愁向學遲

次韵酬吉仙

因循歸計去還留
展卷番番落葉秋
不信渡河真有豕
何期誤筆遂成牛
時覆閱同人所校書
千山霽色青排闥
一笛斜陽默倚樓
多謝新詩勞遠寄
客愁重沓又鄉愁

正月二十日孫勤西觀察邀同薛慰農山長

時雨

季梅子密小浦端甫子高集飛霞閣祝白香山

生日以東坡配之

以去歲未祀故補行

大裘願不遂乃以詩人名髣髴閒中白愁腸樂處生憂
時杜子美述酒陶淵明其後三百載東坡同此情

古今屹相望每恨不同時鬱鬱孫知諫良深千載思玉

堂殘夢冷江海宦游遲觀察以侍從
忤當事改外亦有杭州守農風

流欲繼茲

官梅初放萼已過落燈風故爲香山老仍邀玉局翁高

情牽幕府冷暑附贊宮天意開晴旭連陰初霽清暉滿閣中

身世無窮感當前且勿孤詩篇兼二妙觀察先成長篇
兼白蘇之概

酒興隘千觚舊約遷延役新盟主客圖春波通四水請

爲寄潛夫乙丑正月與縵老曾有是約
而未果今縵老已歸茗上

盟心與井圖爲同里張翁題

湜湜古井水照見慈母心孝子念母恩更比井水深朝
擔舊汲水暮擔新汲水汲水驚作糜育此三歲子食糜
兒漸長就傅兒讀書脩脯從何來慈母所拮据豈徒母
拮据亦賴叔父母篝燈績寒宵語兒母叔負兒身日益
長母心日益摧嗟彼泉下人暴露何時埋讀書學爲人
詎別商與士孝義苟弗虧何必求達仕生不見父面祇
聞慈母言立身不媿父飲水宜知源飲水宜知源母言
猶在耳欲養親何存洒淚向蒿里爾親亦已葬爾志亦
已伸還當念母言事叔如二親

慰農山長招與張子虞孝廉

預

楊古醞唐端甫莊

守齋泛舟秦淮

纔過黃梅雨南風尙未熏清游皆勝侶高興託閒雲劫
後增餘慨尊前溯舊聞桃溪東去路無復白鷗羣
弄色催歸櫂沿淮又泊舟萬珠齊出水一笛靜聞謳掣
電烏雲外殘更野渡頭明朝重說夢奇絕羨陂游

咄咄

咄咄真堪怪何來蜮射沙風聲驚市虎弓影眩杯蛇詭
譎人心幻丹青俗語譁此中宜靜鎮且莫鵲隨鴉

感事

射圃牆西便閤開元侯散從閤兵回升高忽有戎機伏
坐鎮應無敵國猜盛德衰絲偶衆口借交聶政爲誰來
懲獎藉藉吹齋急設衛嚴更苦費才

詠史

豈同爭勝起卑梁宇下依然託我疆爲卹勞民無瀆武
特寬窮獸莫持強幻人或者來西域款議終須撫遠方
恩遣令公單騎至可知前是郭汾陽

勤西觀察慰農山長移席飛霞閣招同子密小浦

李梅端甫子高劉恭甫學博

壽曾

王子莊

萊楊

蓉初

晨

兩孝廉錢怡甫文學

華榮

莘甫明

經胎

元

及觀察詰嗣仲容孝廉

詒讓

祝東坡生日用

翁覃溪學士題像詩韵

隨堂又祝坡公壽老境積唐髭雪加五日入春梅破萼
十年殘臘客爲家福星依舊臨牛斗

湘鄉公復督兩江

佛力終

期定藥叉幾箇閒身無志在寒泉歲歲荐香花

氣節文章自千古富韓相業亦何加坐中公等皆作者

此後幾人堪大家便欲鑄金同賈島敢矜卽席效劉叉

蘇齋繪像見斯幀肯開外舅姚堅香先生言嘉慶丁丑蘇齋像十六幅以陳

老蓮作爲最愁絕單溪老樹花詩頗見

白公生日勤老慰老子密季梅端甫子高恭甫怡

甫莊中白莊守齋沈戟門學博緊同集飛霞閣

以阮文達爲配文達亦同生日也集中有和白

公白髮詩韵因亦用其韵

白公烈丈夫本陶穀志與千載期何圖强仕年戚戚感

鬢絲我讀白髮詩外寬中實悲所悲非白髮此意誰則

知一莖兩莖中無限興與衰阮公撫兩浙方在全盛時
生朝偶嗣音夫豈憂瓶羸以詩論公學譬若體一肢白
公青田鶴公其爲長離昔歲我謁公甲頗恨識面遲而
今拜几筵二老肩相隨應憐窮老生頭白學未治

上巳日作歌

去年上巳日巳巳今年上巳日癸巳巧逢吉日又重三
不值歸餘那有此去冬十一月間三百八旬五日中紛紛人事
烏可窮榮枯禍福生與死此豈放穢能爲功孽虞俗說
固可哂束皙諷辭徒博引洛邑浮觴古莫徵河心捧魴
神何進去冬恆燠春恆寒六氣之沴人易干發舒陽氣
散陰濁正乏斗酒邀朋歡八年以來寇氛淨續魄招魂

喘方定非鴉非鵲在巖穴

見唐書五行志

虺蜴何時改心性虺

蜴不必山與林惡氣漸染由人心安能一日盡蠲潔世

治年豐無毒淫老夫衰慵百無用歸與村翁話耕種今

晨不雨亦不晴更卜蠶房繭如響

占候家言是日陰宜蠶

飛霞閣禱詩

昔我遷此閣眺望日再三朝暉與夕陰寢食都忘甘
茗獨徙倚對酒尤沈酣有時月當頭與客深夜談客言
此仙居我亦劇自耽桂萼四五載數見漸覺厭童山無
草木禿鬚殊可嫌經旬或一憑苦霧埋雙尖夏日兩受
灼開東面西風四遭砭淺夫心無恆於理實未奄顏子居
陋巷道味乃自快

小園僅三畝立石畱

天章鬼神所呵護旭日生輝

光傑構接飛雲

北隅爲飛雲閣御碑亭西

文木爲棟梁五色炫琉

璃山翠羅周廊朱欄與碧瓦殿宇居下方談笑慎勿喧

咫尺夫子牆

危亭踞山顛離閣不十尺豁然見全城眼界遽開闢乃

知足所踐少進境已易金陵固形勝八代帝王宅青龍

何蜿蜒一氣連白石西南望大江三山如列戟長風自

天來爲爾掃胸膈此閒非空山長嘯戒我客

吁嗟松與柏詎非梁棟材拳曲跬步閒侶此桃與梅無

花可娛目徒然寄根芽安能移深山匠石毋驚猜百年

遂參天直幹排風雷鸞鳳巢其顛元鶴時下來食實堪

長生芝草不待栽託根彼何地新甫及徂徠

碧桃何亭亭皎潔意自負而其治蕩姿都非玉梅有纍纍頗結實味劣不可口乃或歲兩花似矜得天厚非時忽見榮乘氣特其偶

叢竹非不愛無柰生道旁當門蘭尚刈況乃無色香篠長不及肩焉得生夏涼謂其能陵寒莖枯葉復黃有萌細於指不足充羹湯徒資蛇蟲穴雀鼠時鳴張便欲侈庭隅又恐穿我牆穿牆我不恨願爾成簣簣

昔歲廖明略於此監眾工作砌植牡丹何止二十叢當春花不發工葳君亦東明年忽擢秀孤莖出蒿蓬皎如洛水神縞袂來瑤宮此後竟憔悴於今遂無蹤惟有蜀

言不
二
葵花不白亦不紅長者高過人短或如秋菰年年應節
物不俟栽培功

野蔬嫩可茹惡艸弱可除蔬老不可食草蔓漸難圖主
人奮大勇授策呼蠻奴野蔬畱其種惡艸絕根株奴曰
盍早計至此何分殊磨鎌向亭陰一例芟薙諸草根未
必盡蔬種則無餘世事有如此行園徒歎吁

冶城古西園儒道迭相代

宋初本學宮天聖後爲道觀
今復之詳見景德建康志

氣聚各一時其極五百載卻笑西州門鞭撻徒感慨華
屋固不存山丘復安在書臺與劒池舊跡更沈晦祇餘
忠貞墓壯氣猶敵愾訪古多巨公雍容盛劒佩卻後五
百年名姓存幾輩

杞人

虎踞龍盤白下門杞人登眺易銷魂徒薪計拙言非職
忌藥醫遲病久根未必潰隄由蟻穴姑憑漏網柰鯨吞
接天豐草鍾山路誰憶當時舊燒痕

湘鄉公招同李小湖薛慰農張濂卿裕釗三山長

桂皓庭孝廉文燦馬鍾山大令徵麟曹鏡初郎

中耀湘汪梅岑莫子偲唐端甫戴子高劉叔俛

恭甫宴莫愁湖勝基樓皓庭作記索詩走筆應

之勝基樓在妙嚴庵新落成

謝傳土山墅裴公綠野堂功成樂人樂豈曰狗宴荒金
陵古名都十載淪封狼惟侯力毆除重見日月光士商

各歸業首政勤農桑疏節去苛察羣材自徊翔舊跡漸
 以興祠宇崇輝煌豈不秬度支亦使民氣揚石頭踞西
 隅淶水餘荷香乞身既未遂對此懷沅湘重樓麗丹腹
 目盡羣山蒼中興與開國勝基樓有明中山王徐達畫像功業遙相望
 揖讓眾賓集綺席陳霞觴傾懷隨所申足以觀中藏大
 君區冊流慕義頗自強昌黎喜竝世願在弟子行振筆
 記茲游議論何慨慷晏殊本庸樞作閭來歐陽使易謝
 與裴定賦嘉魚章烏乎滄海大鼃龜奚能量時頗有腹誹者皓庭
 以此致慨

妙嚴庵感懷莫偲老君卒於泰興舟中喪回暫殯於此

一月不相見竟成千古哀嚮時觴詠處今日哭君來風

雪寒孤館湖山閣望臺言愁愁便至識句孰能猜勝若與

樓聯云勝固喜敗亦可
喜人言愁我始欲愁

東坡生曰勤老招同應敏齋廉訪寶時勒少仲觀

察方琦吳莘農學博紹伊暨慰農山長季梅子

密澂之端甫子高集飛霞閣次勤老韵

鍾阜數峰餘積雪似與羣山鬪高潔羣山崛強氣未降
迤邐昂頭赴天闕東坡詩句百態新飄然畫像如生存
孫侯鑑鍾與蘇敵妙合鐵錫銅金銀招邀眾賓來閣上
縱飲高談喜天放詩成浩氣壓時賢幾輩高才色惆悵
宦游落落三四公平生出處同不同湖山樽俎大可樂
烟蓑莫羨多牛翁明年還祝白公壽高會不限香山九

請約當前十二人寶筵日日和陽春

香山生日勤老招同楊樸庵孝廉

長年

薛叔芸觀

察

福成

汪梅岑劉恭甫莊守齋季梅莘農端甫

子高集妙巖庵用白集庾樓曉望韵

奇懷暢好值良晨勝境流光一例新佳約重尋添白髮

同游幾輩在青春楊枝未信牽情障祇樹何緣著色塵

庵供莫愁像

脈脈湖波愁不絕欲將杯酒酹陳人

謂莫愁

題陳容齋司馬

寶衡

雪夜探梅圖

從湘鄉公保定幕中作

燕南美人冰雪姿何似江南春一枝綺裘茸帽何年少

夜踏瓊瑤訪所思卽今僕射如父師翩翩書記同驅馳

孤山鄉夢三千里惟有靈天皓月知

曾文正公薨既爲文祭之欲哭以詩忽忽久不成

公喪回湘鄉後一月始就四律句

公薨五經月痛定益哀思天簡

三朝輔風興百世師純忠無矯節實惠善因時正有蒼
茫感人閒未盡知

千秋論名世未必古今同遇勝李忠定才餘韓魏公及

門多柱石拔萃到蒿蓬驅策無凡馬應知冀北空

世人矜一得方寸已張皇學問融虛抱勳名入坐忘海

波寬竝育秋月靜無芒心法伎求戒詩有不伎不求二能

遵道自臧

十載江南北侯門久濫竽多聞傳過實寡欲許幾儒戊辰

贈句云多聞遠企劉中壘寡欲差同
徐偉長又每見謂有儒者氣象云
日斷睇丹旄情深
繫白駒去春辭席湖山遺像在和氣見眉須妙嚴庵供
堅不許
生

十月十一日與趙季梅吳莘農唐端甫劉叔俛戴
子高劉恭甫集妙嚴庵祝曾文正公生日退而
作詩未以示人十二月十八夕檢覆舊藁增末
二句足成之

去年八月雨復風公來宴客斯堂中今年十月氣晴朗
薄牲庶羞遙祝公升夫以來九弦望笑貌尙與當時同
東南半壁公再造開國詎讓中山功萬家生佛民所戴
畫像卽今如放翁官民間多傳甲庚之間幾往返朝

旨特諒愚民衷謂當坐鎮鎮南服要使元氣回疲癯突

黔席暝纔轉曠大星忽墮驚城東薨夕有大流星墮城東北紅光燭天或

騎箕尾朝北極或復真靈歸祝融全吳士庶公素恤庶

幾護佑常感通祠堂此日冠弁集正氣奕奕栖蟠龍龍蟠

里尊祠適從公十載我最久老謬不差吳下蒙謁來衰

颺三請退蒲柳豈得齊喬松笑言子亦姑坐鎮喜子視

聽猶明聰朋簪會合殊不易此局未了毋忽忽歲朝一

謁竟千古反幸奠拜親鞠躬公於身世眇遺憾而世慨

歎無終窮感恩知已況吾輩白首仰望雲霄空年年尸

祝一尊酒循例請視蘇文忠易乎人情世事日遷變明

年此會知誰重此大東坡生日之約多以事辭者

東坡生日張春陔侍御

盛藻

周星堂大令

葆昌

莊

守齋觀察趙季梅吳莘農楊樸庵都芝仙戴子

高劉恭甫唐端甫同集飛霞閣卽送孫勤西廉

訪入 覲廉訪約用前詩韵率賦呈同人

孫侯綽有湘鄉風節概正在冲和中主持風雅侯也在

有似坡老承歐公忽將陳臬移皖北攀轅惜別羣情同

固知素抱在經世要以文章兼事功離筵艸艸還小聚

歲例仍效覃溪翁人生離合亦常事出處各自全其衷

坐中少長皆俊彥我亦自忘罷且癡吳門歸權阻風雪

此會所惜無河東

薛慰農山長赴蘇未返

當年抗疏爭國是誰其

繼者惟張融

侍御亦以言事辭官

直聲先後動海內辭章學行元

相通天涯楚越忽相遇神劍妙合延津龍勿嗟玉堂在
天上豈有明鏡塵長裴殘冬凜冽萬木槁凋敝不到南山松

今皇獻歲大親政首明四目達四聰一麾出守踰十稔
朝天車馬空恩恩郵程冰雪春未暝王臣蹇蹇匪爲
躬丹墀陳策九叩首盜賊未息閭閻窮移風易俗自上
始補救有術言非空荐賢報國豈私黨進退不媿師門
忠使車南下經潁尾歐蘇舊跡今游重廉訪前署廬鳳巡道

慰農山長東坡生日歸自蘇滬晚不及與會明日

以詩來謝次韵奉酬

清晨讀君詩明淨月照雪中挾江聲海氣來持獻坡仙

亦呼絕固知胸次玉壺冰欲與梅花鬪清冽想見揮毫
得意時落紙如飛腕不歇朔風幾日寒颼颼圍爐小集
同詢謀借題荐芷稍破例牽率諸君相唱酬眾山巒巒
傲白頭展眺足勝騎驢游坐無車公乃闕事著屐且喜
來羊求平生坦率不解愁明年東還將息暇肯效屈子
徒離憂故山猿鶴招舊儔季鷹自憶鱸膾去豈慮穆生
爲楚囚折揚皇華續蔡謠我以解嘲君信不來詩有見
慰語故答

再省前韵送孫廉訪赴皖

爰居止魯偶避風黃鵠一笑青雲中海邊若士捲龜殼
把臂忽遇浮丘公憶昔相逢皖伯國蹤跡雖異襟期同

是時元老正專鉞大雪待奏平淮功書生束手無武略
蟄庵共荐蘇髯翁江山雪月夜奇絕有作各自鳴私衷
十年以來屢沿例歲月磨我成衰癯朋儕新舊互離合
遠或間隔天西東公來白下再聚首漸喜幽壑回春融
讀書臺邊角險韵治城左爲郭文舉讀書臺故址云往往徑絕風雲通
用行舍藏天所命丈夫何者爲蛇龍公登廊廟爲稷禹
我將甫里尋龜蒙空山樗櫟亦千載頗復自比徂徠松
所叨牙曠有深契恥與俗耳爭聾聰惜哉良會別太易
五年握手猶惓惓遺憂身後賴公等元侯盡瘁先鞠躬
激清有日酬素志滋恐責備來無窮卽今驂驅備閑廐
勿謂冀北羣眞空迂儒於世百無用以言爲贈庸非忠

言不
三
鷓鴣一枝吾已足遙看扶搖天九重

香山生日李佛生太守

傳帶

春咳子密叔起季梅

恭甫端甫同集飛霞閣次季梅韵

嗟衰歎老千絲髮感昔懷今一酒卮未信先生真曠達

可憐傳世僅文詞

披襟其愜新知樂

佛生春咳叔起皆初預此會開

卷同尋古調

時以長慶集供几筵閒

長似月泉吟社麼登盤荐

韭玉梅時

酬佛生元韵

公卿都稔次公狂薄宦何如執戟郎勸飲好爲無算爵

忘憂不用療貧方揮毫對客君雙絕率意言情我一長

莫使纖塵犯胸臆百城南面是金湯

君藏書甚富

同治丙寅春陔侍御游吳門得石甚奇輒載以自
隨舟師頗腹誹乃置之金山中冷泉側近年每
涸時可步越七年再訪之已有好事者升之妙
高臺喜其得所爲石緣圖作詩索和率應兩絕
句

逸事吳門比鬱林長年訕笑載兼金啞然喜捨盤陀側
要借雲濤鍊石心

江北江南訪舊游坡公玉帶記前畱登臺說法石方丈
無數青山盡點頭

憶金華子雜編記宋末士人有題職官簿後一絕
云西風瑟瑟樹蕭蕭小小人家短短橋獨倚闌

千數鵝鴨一聲孤鶴在雲霄予謂此士人欲求
爲鵝鴨而不得者也倚闌而數何爲哉戲占一
絕

闌干獨倚寄清吟已有池塘照影心孤鶴雲霄自來往
幾曾偷眼效凡禽

曾文正公生日奉邀劉治卿觀察

佐禹

薛慰農山

長張春陔侍御子密守齋莘農佛生端甫容齋
集飛霞閣禔芷卽以畱別侍御作詩贈行山長
繼之次韵奉酬

醕然夏雨與春風到處時和歲定豐始信神人生有自
卽今父老感無窮

是日金陵紳士商賈並詣專祠祭拜

力持綱領寬微細

總攬賢才任異同我是樊籬閒鷦雀十年蹤跡溷鵝鴻
樽前凝眺不勝愁心與長江日夜流夕照銜山連旱氣
緜霜淒野入殘秋菁華已竭昏遙望筋力全衰嬾近游
壓擔新書誇暴富百城歸去比封畱

意未盡再沓前韵

退飛六鷁不關風毛羽天邊幾輩豐壯已輸人何乃老
達難兼善且安窮盛衰世事渾無定去住心情或兩同
三載因循今始遂五噫非敢效梁鴻
酒徒相聚莫言愁出處須爭第一流盡此餘懼剛半日
相期努力各千秋湖中自昔聞龍見臺上何時覩鳳游
慙媿侯門老賓客辦香臨別更淹畱

次韵賈雲階明經履上

強臺幾輩快先登，廿載榮枯感谷陵。
窮即多艱身尚在，老猶羈旅客何能。
龍頭有待期終屬，驥子高才況代興。
令子襄領咸豐已未鄉薦 悵我齊年衰已甚，
君與予同庚 更無人續讀書燈。

端甫用春陔侍御詩韵見懷三沓韵酬之

淵源二石有宗風

君文章學問以嘉興錢衍石給諫警石學博爲宗兩先生人稱之爲二石

枝葉先求本幹豐，疴疾在身能自藥。

君宿患痰疾發則每自治之 殘

書可讀未憂窮

藏書甚富亂後多散失

八年聚處真相契，一字疑

難不苟同。此別鄉居憐我老，艸堂曾訂訪盧鴻。

悵望停雲我亦愁，從來涇渭豈同流。
關雎盈耳懷師摯

鴻鵠馳心奈弈秋書卷生涯惟寂寞酒杯滋味且優游
君嘗有對酒懷惶
恨觀書寂寞心句殘寒憶薦坡公否歲歲題詩壁尙畱

四沓韵訓子密

南陔孝養守家風盛德端宜食報豐入幕有遺安石笑
詠懷非爲嗣宗窮雲天高誼崇朝別文酒豪情十載同
共此飛霞畱爪跡雪泥它日話孤鴻
殘碁一局代人愁直瀆偏多曲水流我似胃中曾度夏
君知皮裡有陽秋賢王醴酒原虛設名士衣冠總惰游
珍重尺書招致意殷勤猶勸子嗟畱

偶成

賃屋三椽遠市塵過從且喜弟兄親餘年消遣贏千卷

故舊凋零臘幾人已見羣生重樂業仍憂敝俗未還醅
風聲聽說神明宰桑下行看有雉馴邑宰秀水金君哲人明察勤政

題張飴香徵士

承頤

敦夙堂集二首

丈夫不得志低首作詩人華髮年年墮浮雲事事新
片言馴悍虜小試活鄉鄰莫道冰霜際吟懷自好春

卻聘非高隱違心始遠游名山書味古歸路夢魂愁
螺

羸豈無子蓄畚終有秋韓文傳李漢此卷鎮長留集爲其

葛士潛所編

東坡生日供以香花雜果庭宇寂然忽趙君芸伯

煒慶

以詩見投次韵畬之

山閣年年酒一尊

自乙丑以後皆聯吟聊樂舊交敦歸

來始覺離羣苦歲暮誰違故事論靜供香花當古佛喜
無車馬擾閒門冶城高處春應早今夕紅梅入夢魂

通材祇識利名尊子獨詩書夙好敦三代交游懷往昔

予昔與體原大令過從君之嗣祖也又與君翁君復甘
及從兄序甫相識而序甫從弟星甫爲念年交尤篤

年興廢厭評論天荒自笑開窮壤吾里從未有風雅還

知屬盛門自君曾祖光祿公以下多有詩集佳句輸君偏首唱一甌花

乳荐詩魂

慰老寄示雪後登飛霞閣用前韵見懷詩五脊韵

奉酬

快雪寒增五日風明年稔黍預期豐一時笠屐登高處
千里雲山望眼窮遙想瓊思今地隔酒栢詩句往常同

乘船訪戴情何減多感飛箋寄朔鴻

最難行路古今愁勇退公能在急流章句不妨宗子夏

元經何必擬春秋惜花心任旁人笑挂杖錢充近局游

君有百錢挂杖欲約西泠尋舊夢聽鶯隄畔弔婆留

圖嘗以屬題

舒執室詩存七

南滙張文虎孟彪

上元前一日宿雨初霽雲階過訪滙寓見示沓登

字韵詩再沓韵奉酬

瀛洲不羨眾仙登家近桃源比武陵

居在城西南桃花最盛

對景

增懷閒自寫尋山問水健猶能關心文獻諄諄語拭目

賢才續續興

君董理慈珠龍門兩院事

春好新晴偏惜別明朝孤負

上元燈

予期明日起都

是日劉融齋宮允

熙載

招同雲階及張子剛少尹

璣飲也是園梅花盛開言論甚洽三沓前韵

聲價龍門許其登

宮允主講龍門書院

豈同黨議樹甘陵芳情雪

詩存七

十

滌梅花笑高論風生酒力能池館園林還舊觀文章志

節要俱興中天鏡徹元宵月奏疏傳聞諫買燈

耶報有沈侍御

淮諫修圓明園事

端甫寄示東坡生日集飛霞閣見懷用聚星堂韵

詩脊韵奉酬

人生遇合如萍葉鴻爪東西印泥雪客塵念念溯前游
卻似拗蓮絲未絕頻年山閣薦紅梅捧手坡仙同磬折
登高極目望鍾阜但見海雲明且滅索居閉戶誰與語
且喜閒身無曳掣客從何來雙鯉魚中有新詩文錦纈
直把飛霞作聚星白戰聯翩散瓊屑亦知此樂興不淺

來書云庶知此間興復不無奈年華去飄瞥目昏耳聾

發興一回空谷之遇心也

何所爲空谷遐心吾敢說感君遺我照乘珠何以報之
一鼓鐵

又和沓韵寄懷勤西廉訪

桐城文派今幾葉餘事詩篇似迴雪驚鴻游龍出腕底
落紙雲烟并三絕高文大冊海內外曾文正公贈聯句元老當

時亦心折唱酬詩卷壁間留不與飛霞共磨滅殘冬飲

餞憶前年碧海鯨魚共君掣端公好古今耽詩端甫不作詩甚作詩

近乃類醉裡揮豪眼生纈唐衢歌哭解者稀押險攻强

非所屑致師皖伯兼感懷君寄詩勤老蓋將挑敵相見嫌疏別嫌

瞥鄙人亦在海一隅漫託樵風效匡說大江南北千百

里鼎足聯吟韵金鐵

又和飛霞閣梅樹著花甚少三脊前韵寄懷

老年作客如病葉那似梅花耐霜雪謂梅因我作花稀
一笑令我冠纓絕藤蔓牽纏蛾育子毒手橫斜亂攀折
枝柯雖在神已離香之返生憑起滅昔者我友徒梅龍
廖君護念常虞夜飛掣是年未臘先作花粲似明霞爛
如緬其中玉立兩三株俯視天紅意不屑我何功矣安
受成七載看花電一瞥沈吟詩句笑復悲培植孤芳信
難說深山古榦世誰知萬朵寒香根屈鐵

錢子馨司馬

培菴

遷居郡城東郭外頗有園林之

勝予請名其園曰復園其堂曰謝華啟秀之堂
紀之以詩

小園東郭外三徑未全荒久雨曲池滿迴風晴雪香

花梅

最盛綢繆新牖戶培植舊松篁猶記山亭上當年醉十觴

本青浦陸氏別業道光己酉陸君雪亭嘗招同君先尊鼎卿學博飲此亭

不遠无祇悔天心漸轉移一陽終見復七日豈愆期夕

秀今方啟朝華昔已披芳菲信堪賞更請廣桐椅

訪張燮庵司馬

家鼎即贈

五年不相見須髮亦蒼然藥裏婦多病楹書孫可傳怡情詩自賞待客榻常縣比屋鄰容借將求下瀝田

張玉珊大令

鳴珂

校經圖

武陵山水鍾英靈三窺中祕游西泠

道光乙未己亥庚子嘗三詣

文瀾閣校書頤性老人舊開府睽睽逢人問詰經

西湖詰經精舍儀徵

阮文達公撫浙時所置也甲辰夏謁公揚州拳拳問狀一從寇軌遽蹂躪湖山勝

跡遭蝗螟鄴架圖書共煨燼百一偶免多凋零大風西

來埽穢腥膏沐不改羣山青廣招賢俊授鉛槧詳校典

籍開沈與七經義疏秉謨訓互若河嶽昭日星禾

興宿學我宗老戎幕飛書筆不停揭來賓館理舊業駟

通漢朱無畦町烟霞邊胸蠹簡活水月濯魄塵勞醒君

身正在圖畫裡還倩妙墨圖真形聯珠編玉紛滿卷更

試瓦礫淆瓏玲十年白下鑽故紙汲古自恨贏其瓶題

詩三歎重憶昔六橋墜夢雲冥冥

龔鰲峰廣文

源達

讀書松桂林圖

時錢子馨招予住復園消夏

首夏已炎熱避暑居復園長風來古松叢桂枝連蜺披

襟坐亭上執卷無塵煩龔君示我讀書圖恍然置我圖
中間讀書之樂隨所省要使心追古人境譬如松桂各
自佳勁節清香在人領雲間之龔渤海孫方川諫全山
使兩弟昆至今流澤偶令門冬榮後凋此兩根我交鰲
峰與秀峰同讀父書稍異蹤秀公峻潔君豪雄潔者是
桂豪者松而我擁書游息斯園中何不賞奇析疑日日
來過從

小住鐵花僊館燮庵有作次韵奉訓

借榻幽居避俗塵蕭然無著與天親
合離蹤跡幾風雨脫略形骸誰主賓
衰朽相看成老物知交回數總陳人
樽前且莫論榮悴劫外猶存現在身

詩有一
有懷飛霞閣寄端甫

秋風無恙芰荷衣極目江城有夢飛梁燕已孤殘壘冷
屋烏猶是丈人非研桑計算情彌苦洛蜀爭持跡本微
聞道秦淮燈月夜昔年楊柳又依依

蔣卓如過訪示小園還舊圖自記屬題率賦二律
滬江同避難一別一星周羨子家園復舊籬漸已修樵
蘇生計儉書畫寄情幽悵我歸來晚枝栖尙待謀
復覩承平樂甯如宿昔時創深餘痛在事往寸心知但
願銷兵革無爲感鬢絲空庭花木盡且喜茁靈芝
顧生深尙之長子也當辛酉避難時失其弟數年
消息杳然作圖寄意乞題

千載原鴒痛雲羅何處飛父書誰共讀天道豈真非世

路千戈息故鄉桑梓稀薄裘騎瘦馬

此圖如

辛苦夢中歸

孟秋之月歸自南塘吉仙女史書來竝沓舊韵二

章見寄賦此荅之

得避炎威便小畱南塘歸櫂又涼秋應門早已無豚犬

負輓依然作馬牛

疑游浙西爲奉南志局所托不得往

四韵頻煩來錦字

雙聲唱和羨鍼樓

吉仙適丁慈水明經有雙聲閣唱和集

遙知對景思親

際添畫蟬蛾一點愁

欲歸甯未果

三復雞鳴

鄭風女雞鳴

雄雉詩箴規真信女中師琢磨能受

誠良玉習染全除保素絲自古微文皆有託向人說夢

柰先癡靜看白日堂堂去秉燭餘光我媿遲

蜀省新建尊經書院制軍吳公

棠

奏開書局以

張香濤學使之洞

言介李制軍

宗義

書來欲屬

予此席辭之而副以詩

昔歲書招遊晉塞自慙蒲柳已先秋

同治八年李公撫晉以書見招制軍

馬端敏公鼓聞久之乃以見語虎曰奈而今蜀道青天

老何繼敏曰然已屬幕中為君辭之矣

上歷井捫參奈遠游少慕儒林學未成誤蒙卿相采虛聲頭顱七十經荒久

孤負文翁化蜀情

次韵訓篠峰四首

木以不材老言歸好寄閒欲尋雲外約重訪浙西山春

水船頗滯秋風菊又斑虛名挂塵網此願奈偏慳

金大令以

邑志總纂堅屬辭不獲命奉
邑諸君遂亦以志彙屬定

我痛宗支絕君愁濟美難苦心勤著述轉眼付叢殘盡
道書何補誰言字可餐鸞鳩已不易休更問鵬搏
猶獺從相笑夔蛇各自憐艱難遭世故奔走惜華年經
濟儒官屈詩餘眾口傳古稀猶健在一事足欣然
橫溪堪卻暑變庵所居橫溪
去君居二里所顧我論文章近彙時相質
嘉肴遠送將興來疏禮法醉不在壺觴萬事浮雲過榮
名亦可忘

明烈皇時崑山胡副貢

甲桂

數召對偶旨將大用

格吏議授南昌判屢署新豐諸縣有政聲及攝
守事獻賊來犯拒卻之擢廣信丞拒賊力絀死

言不一

其弟季桂子

汎時

孫天彥

毀家守崑山與妻子

俱殉難當副貢至南昌時同里王平仲

志元作

序送之平仲子

字

亦繪圖贈行裔孫

鳳章

合裝

為卷乞題

良玉出崑山主璋本特達屢領天子頤乃以吏議闕一

官落楚西知已為蹙類丈夫矢忠義會使邦國活此文

與此圖快然懷抱豁丞掾雖閒官民困同慘怛攝事歷

花封頌聲已咄咄恃我成城志狂寇詎能拔柰何天命

乖事去不可幹闔門殉桑梓壯氣連閭閻垂裕及孫枝

清風繼簪黻

後嗣多以孝行仕績著志乘

猗與邦之彥奮身當艱危

城亡則與亡祖德實貽厥

鳳章父樹蘭嘗以學行受知林文忠公咸豐十年奉撫軍

敵領崑邑團防城破殉難才難不其然時會每相刺撫卷重吁噉仰止在來哲

蘇文忠生日招王泖秋殊樹俞念卿豐翼于充甫

爾大禮尊惟激集舒藝室荐芷俞君詩先期至

是日王君來獨後攜所折梅花一枝爲供及出所作詩則用聚星堂雪韵也乃約兩于君共效之而予詩顧後成聊以紀良會耳

刻主何時成楮葉陳后山謂秦少游詩如刻就楮葉見方勺泊宅編強以巴人

歌白雪歸來兩度荐蘇公回首飛霞感不絕王君雅步

偏何遲老圃南枝特親折鄉園小集故人稀舊夢重尋

泡影滅漁溪詩叟思獨敏滄海驪眠手先掣誰知聚星

堂上客出袖明珠光采纈竹林二阮皆妙才欬唾隨風
成玉屑縱筆從驚意興豪清談不覺斜陽瞥嗟我心源
今廢井拈句登壇無法說只應笑倒眉山翁鑄錯甯須
幾州鐵

二十日聞葉雲巖鎮軍之訃不勝愴然再沓前韵

昔年吾友鍾與葉

鍾西白守備昔與雲巖同居

蟄庵荐蘇同踏雪

癸亥

之荐集周縵雲侍御蟄庵二君與焉

而今僕指一星終大樹飄零愴欲絕

輔車相依老兄弟

鍾葉本表戚同官相食如左右手

奉職分馳雁行折

鍾君盡瘁三江營

西白補三江營守備力疾巡緝以勤死職

形影雖亡神不

滅葉君一官羈海上

雲巖以總兵借攝上海右營

夙夜勤勞肘頻掣

去冬相見氣蕭瑟兩足蹢躅面增纈區區雞肋猶失之

非不可閒心豈屑

去臘調任儀徵

封侯秉鉞意中事蒼狗白衣

爭一瞥遺愛猶存部曲心忠忱空聽同僚說武臣惜命

亦愛錢人閒難得錚錚鐵

唐端甫寄示蘇公生日集李佛生太守齋用和秦

太虛梅花詩韵見懷依韵酬之

唐子神完貌如槁每遇良朋輒傾倒李公境迫心自寬

肯以貪求易煩惱

道藏常清靜經云既生貪求即是煩惱

嗟我離居今兩

載季鷹敢說知機早相思正比大江深遣悶無如醺酒

好窮年不廢冷生涯落葉堆門爲客埽隱然南北八百

里八九閒人拜坡老殘雪猶封亭角梅

間飛霞閣梅更衰於去歲餘

霜不折階前草

冬來松屬雪甚微且氣候如春

忽驚天際

六龍迴極目煩冤望蒼昊

葉東軒明經為璋以其先世中翰公鳳毛所集藹

園員外芳六旬壽詩冊屬題

竹林徵雅事中翰乃員遺冊溯潛郎僚采馳詩句巖泉

介壽觴傳家本忠孝員外忠節名世盛文章珍重醕醪

意此冊暫失由錢縣縣弈葉光

題王子旭學博蓉生羅浮夢傳奇

合離風雨幾悲懼任把情場作戲看莫遣劉郎重采藥

桃花無影墓門寒

身後身前總惘然憑空特為補情天賺人一片三生石

紫玉魂來又化烟

駿骨千金價未多明珠百斛託歸波蓬萊水淺青山老
只有貞心死不磨

福星歎

福星者上海招商局輪船名也光緒元年海運
至黑洋遭夷艘衝壞官紳溺死數十人姚浚源
與房

人心那比海程寬到此休歌行路難可歎福星成禍水
冤魂無數哭狂瀾

與子馨同赴重固道中卽事

朝出通波門言循顧會浦東風吹船尾適與人意撫九
峰如故人參差展眉嫵當時轉戰區此地成焦土雲山

信未移林木誰爲補沈吟懷往昔蹤跡忽以古

何君古心居幹

山下世碧水漾微瀾何從采芳杜

道光丁酉從外舅堅香先生訪何丈書田於重固

今三十九年矣予與鴻舫訂交亦已二十餘年

至是重來回溯前游不勝慨然

卅九年來逝水流紀羣交誼溯前游當時山抹微雲壻

重上君堂已白頭

鴻舫訪予復園篠峰適至酌酒話雨篠峰有詩屬

和次元韵

咫尺披雲望谷陽

披雲者郡城東門也錢氏別墅舊在城西谷陽門外爲向來燕集之地者

今已追維往事引杯長幾人來話黃梅雨此地何如綠

野堂

宋錢惟演綠野草堂在杭州錢唐門外髯客醉能

歌水調

後為昭慶寺地子馨嘗筮仕浙江故云

詩翁老尙健辭章江鄉復覩承

平樂且其隨時愛景光

孤館

孤館漏方寂夢餘詩思賒屋聲風落柿牕影月移花此

夜亦可惜吾知豈有涯起來重展卷遠樹已嘯鴉

臥病復園忽忽逾月比日小瘥自述二律

小極無端一月更食單枉自累門生甚微身同病柳風

荷弱夢逐孤猿野鶴行承祀已先三不孝讀書依舊百

無成淹淹在世真疣贅珍重參苓強與撐子馨日進參朮之屬

此身久已誓江流咸豐辛酉之難預計十五年生總一

言不

浮死豈關心惟畏病方原對證幾能瘳最難客舍如家

舍不盡鄉愁復遠愁我鄉詩吉貝今以潦壞禾亦歉收

展卷數行渾未了忽來蝴蝶引莊周

子馨招周叔米文禾張篠峰何鴻舫陳同叔升顧

秋巖霽沈菊泉霖溥同集復園

湖上歸來宜興闌蓴鱸鄉裏足盤桓平生師友論交切

尊齒功名厭志難菊泉新捷鄉闌秋八園林花氣爽話

關身世酒杯寬踏筵幾許紅裙舞得似良辰叙古懽

次韵訓鴻舫

壯往憶當年而今已嗒然且藏醫國手還作在山泉十

芻容蝸寄千豪埽麝烟箕裘能濟美彙傳定成編君嘗

古今
人傳

虺隤吾竟老
惘款子逾親
敦勉無窮意
維持現在身
未

妨蹤跡異所喜
性情真忽憶黃
墟飲臨觴涕泗
頻謂小

冬日與于充甫
馬健齋元應兩
學博王藹儒文
學

履階
同住南城志局
卽事

久客疏鄉邑
歸來已白頭
吳天到海盡
越水入江流
浦

謂水皆賦減民仍瘠
同治二年曾文正公與今伯相
兵

餘俗更媮
廿年文獻
沒往事費徵求

分占東西屋
何嫌上下牀
參稽兼案吏
謁候雜牙郎
飽

雀頻穿屋
局設積穀倉
寒花尙傲霜
偏隅無勝蹟
懷古話香

光城西南隅香光樓傳
爲董文敏讀書處

丙子元旦

是日大雪奇寒

釀雪經旬雪影稀六花畱待歲朝飛年豐人壽靈臺報

東北風宜有篇章奏紫微

兄弟消寒付一樽三人今祇兩人存

季弟以去冬病沒

中年早

世嗟予季酒入深杯化淚痕

年年循例祝蘇仙去臘偏緣世故牽一十五回逢丙子

是歲上距宋仁宗景祐丙子凡八百四十一年可知公壽過彭篯

青村城

卽奉賢邑治

真有山林意平蕪一望青城疑岡阜秃

亂後雉堞盡秃

風挾海

潮腥離落成街市烟霞痼性靈

城中人吸鴉片

南城已荒索

此邑更凋零

題費廉卿

壽康

爲母夫人繪秋鐙課子圖

一鐙熒熒細于粟
胸紙篩風冷入屋
中有九熊畫荻人
雙鳳嘔啞夜猶讀
費君示我課子圖
爲訴髫年如在目
皎月當天節母心
寒蛩四壁孤兒哭
吁嗟孤兒良可悲
事母如父兼如師
榮羹菽水此日事
五鼎三牲彼一時
飢驅四方情慄慄
敝簾重開卷猶好
回首篝鐙授字初
白雲何處慈顏老
寸草春暉願竟虛
廿年風樹痛皋魚
對牀聽雨重增感
短檠今誰共讀書

哲兄廉
生逝世

復園消夏雜書

密葉重陰兩碧梧
絲花如雨滿池鋪
飛來小鳥疑么鳳
失笑誰知是翠奴

有魚狗
飛入屋

一自輪船海步通嘗新每見荔枝紅莫貪飽啖忘消渴

正恐江珧易發風

坡公以荔枝比江珧柱

隔水田塍響水車起來散步曉涼餘傾盤葉葉翻珠露

新放珧荷一兩花

閩粵章江水橫流津門亢旱恐無秋誰將五月天山雪

吹入熏風到莫州

京邸書來言五月十三日保定大雪

老人生角婦生髭氣血乖違古有之

去歲吾里有六十八歲人頭生角近華

邑得勝渡老婦生須按漢書五行志景帝二年九月膠東下密人年七十餘生角角有毛又唐李光弼母有須

數十長不信牛衣真化虎鵠雛竟忍作梟鳴

異事紛傳眾口同吹毛處處剪刀風

入夏以來雖傳有紙人剪人辮髮及

女子醫按明陸容菽園雜記載江西一遊士善異術按察某副使獨不信術士剪紙爲二刀交舞於前撲其面

副使以袖拂之雙眉已削潛消妖妄須良吏不盡嚴刑
蓋妖術有之不盡無因密捕中

儒冠武弁異齊民挾刃偏同盜賊倫薄示蒲鞭賢令尹

更休怙惡累仁人

有曾與童子試者持刀劫殺人又有武弁夜行劫拒捕傷事主有司皆殺

而釋之

傳舍非無香火情身家念切撫民輕去思他日遺恩在

豺虎山林感放生

今年閏夏愁多暑不道涼風日日晴一霎廉纖過雲雨

蕭蕭先已作秋聲

吸露吟風得氣清廿年似我耳中聲

自咸豐乙卯秋承起常患耳鳴承

蛸童子持竿伺多事枝頭盡日鳴

秋夜

薄寒生枕簟寂寂夜方中夢影半牕月秋心滿院蟲卜

居疑未定懷舊感無窮

時聞唐端甫之計

差幸今年健無須山

鞠窮

哭端甫六首

脩短誰司柄乾坤太不仁唐君今止此吾道失斯人鬱

鬱平生志悠悠作客身十年叨末契何處問前因

家有中人產楹餘萬卷書兔園憎俗學蛙井破拘虛愛

讀醉鄉記常承長者車何來赤肩賊遂燬子雲居

避亂輕航海言旋復渡江高材雖累百博覽自無雙奧

義紬金匱

同校史記多有心得

清談倒玉缸智衰兼怯飲屢受老

天降

爲人真蘊藉大有晉賢風好古仍無執知今亦普通吟

心多刻苦佛理異頑空聲價龍門重量才自不同君爲山長

李小湖延尉所激賞

判襁褓爲別離居意更殷榛蕪偏好我梨棗恐瞽君拙

隨筆君初勸授梓予不應及予離局君遂付手民地有山川隔聲隨旦夕聞函

書無缺月字字化愁雲

宿疾聞差減新瘥好自培五月中書來言舊恙稀發而體中反不如前答書

方寄去凶問忽飛來劉恭甫來計婚嫁憂兒女門閭夢草萊

當年高誼在癸酉春同局戴子高病沒君千里送其柩回何日玉棺回

答問客中事

詩存七

五

平生志幽適願結漁樵翁遭亂不自全
溷跡隨飛蓬自慚麋鹿性何爲謁上公
良無匡濟策錄錄羣材中秣陵十年客
仰首天飛鴻歸來故人笑四壁依然空
無屋止瞻易有書遺蠹蟲君毋問前事
老拙盲且聾

悼姚孺人

江湖役役稻粱謀豈爲蕭郎愛遠遊
貧賤故宜甘淡泊疎狂不解戀溫柔
家居歲未經三月客裡身常閱數秋
四十二年飄忽過他時誰更誅黔婁

慙媿而翁品藻殊白頭依舊一窮儒
廿年我久爲齊贅半歲卿猶比楚瓊
孺人先子失子早知心已死移居深
半孺人先子悔計偏濡僦居樓面西不堪度夏泉途見母應相慰
謀徙未成以此致疾許

字無煩念掌珠

女係已許字于子助學博第五子

西廂暑暍病成瘠藥餌何曾肯暫調小別出門纔兩日

逆歸視玲已三朝思鄉目極荆榛沒

姚氏宅已避亂魂縹於粵寇

飛涕淚遙往事不堪重入夢風寒霜凍況連宵

大雷書斷痛連枝

杏土去秋病沒

予季云徂亦此時

季弟凶適暮年

首復乖偕老願詞人例有悼亡詩行年七十原非短算

景飛騰轉自思哭友連番還哭婦

仲春筱峰病故端甫沒於季夏子馨沒於

季秋半生學道未消癡

莫善徵大令

祥芝

署中晤劉開生觀察話舊

零落侯門客乖違又五年衙齋重握手杯酒話當筵保

璋今推董

善徵今幸上海

乘槎別有騫

黎純齋刺史隨郭筠仙侍郎使英國善徵妹婿

也君衰吾更老出處媿諸賢

重至復園悼子馨

池館仍依舊斯人安在哉當時憑一哭此日恨重來曲
室蛛絲罨殘泥燕壘摧無情桃與杏宋宋爲誰開

孔雀爲楊卓庵太守

永杰詠

孔翠來南海裴然副盛名恥隨雞鶩食志學鳳鸞鳴掉
尾凡禽如憑霄鷺爭金花雖被觸終不掩文明

乙亥丙子兩年竝在復園度夏子馨嘗助予視宅
未就去秋子馨病故家屬皆遷回金山卽招予
住復園今夏四月始來賦此爲紀

大地一

蠶睫行年幾鵲巢

予自丁亥至南蕩卽以館爲家乙未冬爲姚氏贊壻凡

十一年先是張晦生嘗招予同居張堰卜鄰今昔意讓
別宅及丙辰遷至則晦生先一年死矣宅死生交觸目皆增感椎心漫解嘲孤根無寸土何處
得誅茅

在金陵日多愁思納妾者劉治卿觀察勸尤切及

歸里老友朱貢三鎬及宗人張鳳山鏊輩復屢

以爲言黃子督太守安謙力持之夏四月倪姬

來歸遂挈居復園漫成一律寄諸君

廿年清夢客塵刪鼎趾頻頻祝老鰥未必生稊到枯樹
或言養氣見酡顏維摩丈室來天女白傅吟情寄小蠻
一語報君應失笑卽今腰腳比前頑

梧桐爲大風所折述感

三年五月日丁丑入霽卻在逢庚後巽隅忽起顛鶴風
急雨猛挾蛟與龍復園老樹兩樹桐一樹最高當其衝
鱗花萬萬枝葉叢攪拏力拗悍不從砉然拉折勢已窮
輶車顛踣巨毋霜長狄倒地戈誰撻孤根直立屹如鐵
龍門百尺將毋同雨師退舍風伯馘矯強不屈乃有公
吾聞此日雹且雪合抱古幹連根拔頃者地動丁亥夜
盛夏裏縣過半月疾風勁艸桐有之南山松柏汝所師
陰陽乖舛亦偶爾大節危柯好自持

訓華約漁

孟玉

當年丁與李三子竝名馳

君與丁時水李花卿齊名博
有三子之偶今丁李俱沒

學多才辨今惟華令思文章吾久廢聲聞世方嗤炳燭

光餘幾飛箋感贈詩

七十頭顱矣浮家寄復園營巢憐舊燕嘯侶柰孤猿對
影琴書寂馴人鳥雀喧披雲如再顧四月間承見訪十日效平
原

行園感賦

秋花紛爛漫秋樹漸彫零惟有餘蟲亂愁人到處聽

晚泊新場

維舟石筍里閭巷早關門岸窄蟲聲急星稀夜色昏市
燈稠買藥村屋遞招魂肅殺宜司令秋深氣轉溫時頗有疫氣

壽賈雲階七十

君七十我齊年當年同補弟子員

君與予同歲生又同入學

君家阿

千

蓉卿司馬亦同道光丙戌入學

指君說蒼莽似生西北邊爾時虎氣

正騰上霄作尋常科第想東馬嚴徐未足言皋夔稷契

差堪仰秋風歲歲白下行時命不到迂書生五光十色

見者眩卻讓雛鳳先飛鳴先生投筆成一笑家學淵源

參道妙老來無用敲門磚楊公賴公我同調

君精究壯形家言

懷不試天囿之澤及鄉里得自持鄉邦文獻勤紀述有

美必錄何所私嗟我齒衰頭已白十年浪作諸侯客與

君栖酒話平生俯仰乾坤徒局脊有子何必尙書郎但

願讀書承義方有家何必金與玉粗布衣裳飽食粟城

南草堂五畝居濁酒可沽松可菹七十老翁樂有餘莫

向閒人計毀譽

坡公生日招仇竹坪太史

炳台

郭友松孝廉吳吉

卿震

章次柯

未

沈躍齋

祥龍

三明經尹子銘署

正

整惠

錢義泉中書

廉

閔頤生

上舍

萃祥

小集

復園

奎光燭牛斗誰云不能神一十五丙子光采長如新文章與氣節後起疇其倫鯁生夙所宗疲驚難自振十年江南北謹言荐繫蹟同儔既星散予亦思鱸蓴歸來五度臘感此過去因園林雪未銷折簡來嘉賓匪以效角逐素志期相親諸君高世才望古懷千春前身及蘇老何必非晁秦吾友謂肉山談諧豈其真

昔小田每況予為張文潛謂體

肥少壯不努力衰老徒逡巡今茲斗酒會含意請各申

一任笠屐翁壁上觀醉人石刻笠屐圖在府署有董文敏書自贊陳仲醇題詩前守

趙鑒堂宜喜跋有遺予榻本者因裝小幀縣之壁閒

人日竹坪招集笏東艸堂卽事

元日到人日杜句陰寒雨雪兼良辰天意靳嘉會酒腸快

往昔同追憶豐稷冀協占梅花尙酣夢有客獨巡檐

吾茸風雅藪今日復承平聚散懷人感興衰望古情陽

春應漸轉快雪未成晴借問城南獵何如鬪酒兵

次韵訓竹坪

柏葉樽開集勝流新詩老去愧難酬嶽雪小寄差安夏

予巡復園爲春雪頻霏冀有秋高會南皮思往事談兵

避暑計耳

北府慨前游主賓豪飲饒清興不羨山陰訪戴舟
六藝羅胸漱眾芳卅年舊學好重商林泉有意聯羣屐
簪笏無心夢玉堂謝傅棋枰聊自遣陸莊衣鉢未愁荒
君門下憑君莫話秦山路白髮當時我乍蒼
頗盛

青村道中

積水平隄岸人家杳靄中雞鳴村店寂丐臥佛祠空雨
草驕新綠晴花炫小紅喜聞蝗種絕麥秀漸芄芃

題黃恂甫

櫺

安穩歸帆圖

人生禍與福境過隨飄風居安不忘危在莒思無窮烽
火達越州蹙然甬甸東扁舟泊海嶼金碧搖沖澗洗眼
雲水光覓句聊從容狂飈忽然至波瀾蕩長空傾覆須

與閒仰視嗟蒼穹翩翩兩青鳥似爲神所通孤帆一以
正捷若乘飛龍回望招寶山一點雲冥濛事往十餘載
心目猶忡忡同舟六百人幸免馮夷宮憶從粵寇警徧
地懼兵戎流離塞道路性命輕蒿蓬誰知不兩載豺虎
皆沙蟲嚴寒苦冰雪忽已回春融要當審所由慎勿貪
天功危哉憂患根正在懼欣中昔賢有垂戒閒暇省厥
躬披圖一太息命意君宜同

題鐵淚圖

鐵無淚鐵有淚世有鐵心人見圖心亦碎君不見鐵淚
圖事從豫省傳東吳光緒三年歲丁丑夏秋亢旱山澤
枯燕齊秦晉悉如此大河南北尤卒瘡飛蝗徧地食葉

積蓋藏安得有黍稌君勿言黍稌樹皮艸根亦已無父
棄其子妻別夫走死覓食塞道途道途行乞不得食飢
腸如焚僵道側縣梁溺水日幾家宛轉殘生面如墨三
冬不雪春不雨去年無禾今無麥石田從衡餓鬼哭蝗
種雖孳爾何欲屍骸狼籍瘠無肉與蝗相爭聊賺腹見
荒州縣八十奇其二十八靡子遺朝廷開振吳楚助
救災卹鄰禮亦宜救災卹鄰禮亦宜沉爾鄉宦居高資
梓桑之誼嚮所篤忍使爾眾號且啼烏乎我歌聲酸不
成語鐵人間之淚如雨

尹子銘

鑒惠

屬題其大母黃太君紡績圖

百世畱遺一紡輶要同彝鼎共流傳白頭我更悲風樹

回溯篝鐙總惘然

縷縷棉紗寸寸心與兒同此惜分陰要知勤苦持家意
不在田廬不在金

縣長福壽女懷清幾輩孫曾善守成常有讀書佳子弟
顯揚何必定公卿

沈慎齋文學

銛

約同志十二人爲書畫以潤筆資

助振竹坪紀以長歌索和賦此訓之

研田雖逢年所穫能幾賴書生飢溺懷施捨一何果欲
以涓滴水撲彼陸渾火祇恃惻隱端無閒人與我聚沙
塔可成積少亦致夥障籠誰傾身赫然人之爹孰視同
巢焚作爾深自裏鄙夫昧丹青書劣腕復跛虛生人閒

世自問無一可諸君期利濟此舉非細瑣他時泉出山
勿負堂皇坐

罌粟吟

豫晉連荒蓋經三載其農人狃罌粟之利往往
不事五穀一家婦子俱嗜鴉片亢旱久饑卒亦
無以充糧樹皮艸根無子遺遂致析骸之慘蘇
松好義者百計恤鄰匍匐往掠雲階追咎其失
作破荒論見眎然江浙之區蓋亦有效尤者可
畏也因作此篇寄之

波畢花中妖

印度人呼為波畢

異態凡百變竊彼臭腐力餘盛

每自銜大或如蓋盤

罌粟花厚莖之大如牡丹

色則如采絢近之鼻

輒掩望之目欲眩呼嚚象其殼名粟實難咽樂城晚氣

衰石鉢謬自研咄咄謝幼槃淖糜充朝膳其性寒且瀉

救荒身足算何年脊恤膠乃列珍奇薦見明朱國禎蠶

夷造毒蠱相傳雅片時此隨蔓延印度古佛國末教今

遂畔因循二百載汨若洪水存其始紈袴兒濡尾陷冰

竈鄉黨來譏評父兄加責譴既且相忽忘褰裳亦俱濺

儒冠誦詩書平昔頗狷狷無端遽避人染指學背面促

促守錢虜銖黍惜方便一燈膏自煎田屋不復戀上膺

方面尊下泊輿儻賤商賈連農工奚論釵與弁載胥及

僧徒薰修靡不徧狂藥爲元霜傾資事烹鍊烟花別成

界鬼魅游泮奐民者邦之本國用那得羨痛哭黃鴻

臘餉漏卮孰能填積重返竟難禁令徒數衍捆載出

重洋姦商喜且扑房乎我國家和氣滿郊甸雨暘偶

愆期歲稔仍時與莠民窺利藪投耜爭鼓煽棄彼稼穡

甘種莠等藜莧遂令鷹鳳圍以育狼與戲貪財卒滅頂

人我同糜爛黍稷成茨棘餓死天不援綵綵囊中米

米囊花囊何不恣飽饕居然人食人同類偃自剗三晉皆雄

區潰敗其一弗死者誠無知生者猶瘡瘡轉粟仗東南

恤鄰勇無倦要知禍所基覆轍勿再玩吾吳雖豐饒此

習久瀰漫比聞理舊章奉行怙欺謾窮鄉地稍僻亦有

連畛畹此非可葢藏履畝劇易覬涓漚江河其源速

宜斷永當絕根株母使得滋蔓或言市之彝未免銀所

換何如執中土聊比衣補旋買刀苦費錢乃令鐵自鍛
不知鍛鐵人將以刀鼓亂吾讀賈生策俯仰深歎惋褒
姒誠豔姿而釀元黃戰寄語勸農司毋遺耆癯忠

竹坪太史約爲消寒之集大風不得往以詩見懷

有主盟老將之語戲酬一律並示諸同人

閉關猶自恍風聲老去廉頗枉盛名矢未加遺先避敵
書纔布告又渝盟周旋暫請紆三舍收合徐圖竭一成
壁上看君旗鼓建祇勞添築受降城

送朱貢三歸休甯

我讀佛氏書愛其說因緣因緣之所轉不自知其然磁
石引鍼珀拾芥一氣和合隨所牽我識朱桃椎忽忽二

十年憶當咸豐末避寇浦江邊邂逅如故知下榻欣相
延從此來往孰賓至如歸焉是時我友黃萍軒亦以
逃難來此閒三人日聚首胸臆各自宣有時論時事恨
未先著祖生鞭有時論姦諛拔劍便欲披其肝偶然觸
興弄詩句曼聲長哦五七言不向時人通唱和不與俗
眼爭嗤妍自我赴皖軍別意常拳拳一月三致書千里
之隔如駢隣丙寅之春重至滬萍叟健在猶依前君雖
不飲聊破戒三爵或亦靳勉旃如我三人無營復無慮
冀可得壽如彭錢明冬萍叟忽化去若非成佛應生天
十餘年來與君成二老羅浮兩山不以風雨爲變遷君
言江城久客今已老正似舍已芸人田黃山白嶽故園

在將欲歸省墳墓祠宗先先生孝友才且賢敦交義重
無詐諉爾君不能惜君去勸君暫去毋流連錢唐江水
清且漣子陵臺畔謁釣仙齊雲山高雲渺緜我心飛上
齊雲顛看君騎驃山下過金尊一醉斗十千天親無著
老兄弟送君歸去明歲邀君旋

晚步卽事

奔雲西北至欲斷時還連暝色合牖牖歸鳥皆翩翩疾
風何處來埽此青蒼天陽光忽穿漏正在長松顛園亭
遂晴朗眾綠爭芳妍俛仰晦明理變化須臾間翱翔步
中庭意得方悠然

園居雜興

南俞塘水久蹏涔咫尺池亭寄賞心
百事無聞真樂國
一枝可借卽深林夢遊每入桃源記
世遠誰爲梁父吟
陶令無弦琴挂壁而吾挂壁并無琴

少年不學負居諸老去光陰炳燭餘
敢以鈍根參佛道
漫圖博物攻蟲魚小胸風暖鳥求友
深院日長人著書
消遣閒情聊耳耳榮名壽世兩皆虛

也無煩惱也無懼一得差羸是達觀
桃李陰濃花富貴
琅玕聲靜竹平安客來相對忘酬應
酒至無心別苦酸
向晚忽聞童豎報當頭又見月團團

白頭賸得幾絲絲晨夕行園有所思
日色愛看斜照後
花香好在欲開時長松繞屋有聲畫
碧草滿庭無字詩

春夏秋冬頻變換此翁昏眊不曾知

次韵訓周縵老

寬欲輕榮利如君實偉長

曾文正公見贈有寬欲差同徐偉長句然非所敢承如君

淡泊明志

功名謝申甫詩派比秦黃

門下士別夢猶

陽朔

學道光開賢

羣才自玉堂遙知秋後月未肯鬪星芒

有約聯遊屐湖山許共尋一時牽世故七載負初心舊

侶浮雲散敦交道味深惟應廬仲甫梗梓已成林

杭湖

兩郡書院

偶成

久潦偏驚小暑雷

俗諺小暑一聲雷倒轉作黃梅章江粵嶺已聞英

近報

重衾擁絮方憂米

諺云六月蓋急雨敲腦又入梅豐歉

循環天有意安危大局世多才風香一綰荷花笑笑向
先生勸酒杯

闌寂

闌寂庭階碧蘚滋一番殘暑又涼颼十年蓬梗清宵夢

萬里輜軒遠道思

曾勅剛襲侯使俄羅斯劉開生黎純甫使彌利

堅吳子登使佛蘭西徐仲虎使德意智張魯生使日本

難處始知更事少老來常

恨讀書遲憑闌愛看營巢鵲羨爾投林穩踏枝

荷葉

清到荷花葉亦奇碧莖青蓋擢漣漪珠盤一瀉無畱迹

風雨撐持未改移

蟬

秋風數日絕蟬聲殘暑纔蒸忽又鳴知了依然知未了
炎涼何苦太分明

桂

含香猶未坼隔院已先聞金粟祇園品珠苞月殿芬葉
繡犀甲健風定麝臍薰人譽庭前樹秋來獨有君

初雪

龍公初試手見睨忽闌刪冬旱亦云久春田毋太艱何
能補地裂聊以破天慳北望同雲重湘軍在海關湘人甚畏
寒時曾威毅伯奉旨督軍成山海關

舒藝室詩
續存一卷

顧蓮署



光緒十三年
仲夏之月刊

舒藝室詩續存

南滙張文虎孟彪

晝靜

晝靜簾垂地荷香入坐清日光翻蝶影風力曳蟬聲懷
舊忽成夢拈毫時寄情餘年逢景運拉襍記平生

懷舊
襍記

夜長

立秋纔過後便覺夜何長世局紛難究書篇多半忘息
心雲起滅味道海茫洋失喜朦朧影單衾生曉涼

七月十二日雨後虹見東南色紫黯明日復大雷

雨聲振地已而寂然此旱象也

自後二十
日不雨

何事連朝雨聲消一震中雄雷驕出地旱氣預成虹積
熱難爲受偏陽必有窮沈吟思物理未覺此心空

風汛

暑極涼宜漸飄風忽變冬觸山頻詫虎舞樹欲成龍節
過露華白雨連潮汛淘淋鈴不可拾絮滿也此際泣村農

庭際

庭際雨方歇階前日已斜踞蟾閒伺食團蟻勇拖花嗜
欲誰能遣機緘豈有涯長松青可撫佇立看餘霞

晚步

數點過雲雨松篁如有情斜陽歸鳥集涼月亂蟲鳴漸
覺暑氛減兼茲夜氣清隨風來入聽鄰笛兩三聲

電線竿

妙用徵雷電靈通九地心望疑郵表暇
瀛豈旂如林一息騰千里雙聲統萬音何人矜搏拊俗有空谷傳聲之戲見魏伯子集
理未析磁鍼磁石吸鐵卽電氣之理

紀事

夏秋毒熱不可當起居服食疏自防天時人事適相值
戾氣觸迓來無方晨朝操作尙飽飯日中偁病夕已亾
醫師束手巫奔忙神來佑汝驅瘟瘟報神白牡和駢剛
華鐙錦繖交輝煌釵弁雜沓爛有光喧闐晝夜舉若狂
君不見風潮白露無鈴子俗謂吉貝日鈴子斫禾連阡濕生耳
又不聞石頭沙上數百家一夕呼號逐海水石頭沙在海中閩七

事月

酬楊古醞原韵卽送之黃巖丞任

哦松計亦得免惹俗塵侵老鶴偶垂翅黃柑良勝金舉
頭天姥近倚杖石門深康樂遺蹤在公餘次第尋

縛雞行

昂然獨立若有思芥冠金距勢莫支兩翅膈膊橫氣施
小雞奔逃謹避斯君以爲雄誰敢雌庖人鼓刀手縛之
自斲其尾嗟已遲

痰喘

喘似吳牛涌似潮強支高枕坐通宵如何五嶽平來久
塊壘填胸尙未消

紛紛

聲華利祿太紛紛
纔聽雞鳴又夕曛
到底天空何物在
白衣蒼狗總浮雲

聞雷

龍公小試意徘徊

十二月
初見雪
即消

雲氣沈沈晝不開
無限吳

農望三白先春四日卻聞雷

黃子胥太守再奉吳淞釣船之委
繪整釣圖自題

二律屬和次原韵

又向吳淞整釣絲

原倡

也便公事也便私

君昔監吳淞
卡數年今猶

頓家朝潮夕汐如當日轉綠迴黃又一時

詩句無慙蘇

叔黨壯懷未遂傳脩期行年五十忽忽過鏡裏微霜欲

上髭

昂藏驥子本超羣家學頻煩督課勤奔走風塵將白首
浮沈宦海感青雲氣深醞釀芝應長秋到巖阿桂自芬
此日垂竿聊靜寄舊時鷗鷺正思君

黃勤敏公壹齋集詩板燬於粵寇小田常以爲恨

同治初其同邑許小琴太守

文深

重刊於廣東

而遠莫能致太守嗣君秋生服官閩省去夏乘
輪船至滬以板來歸奉賢闕邑侯助資成之子
脊爲歸詩圖以誌其誼

卅年家集劫灰空

據年譜壹齋前二十七卷刊於嘉慶甲戌次七卷刊於道光庚寅再續刊

於己亥凡

黎棗重開播粵東大孝克成賢父志高情無

四十卷

愧古人風夸娥勇助移山力海屋驚看貫月虹年譜一
編今合訂祭筵應可告萍翁

小田晚號萍翁

偶成

芒種雨連宵池水平以足駐杖偶臨池飛鳴聞布穀游
魚銜孤紅

金魚僅一尾

雜樹交眾綠漪漪松石閒新抽數竿

竹睫巢謂暫居荏苒歲已六人我兩茫然復園何時復

七國

七國爭雄強魯連頭不掉富貴皆墮閒齊人爲之弔嗟
哉愚婦人仰望漫相誚儀秦矜口舌縱橫恣排調豈知
南華仙紛紛憐滑耀夢作天池鵬任彼鸞鳩笑

村諺

夏至西南風秧溝與浦通雨打黃梅頭飲水沒殺牛小
暑一聲雷翻轉作黃梅五月連六月天瓢時時決棉花
亂草中棄置無人挽音脫低田白浩浩田中尚有稻風汎
爾何來禾根一齊倒或言聞地震又見雪花飛六月臥
絮被七月著棉衣那有棉衣與絮被可憐久在典鋪裏

桂花

滿樹黃金昨見茲朝來零落賸空枝天香別自鄰家至
又是黃金滿樹時

煎茶

左團蒲右曲几竹爐煎湯天雨水松風徐動魚眼起瓶
笙悠揚忽盈耳紫芽如鍼清泚泚先天之味淡如此紅

閨宵闌擣桂藥但解茶香失茶理

癸未元旦

殘冬方未已景物入新春老壽天容我文章鬼笑人好
花能應候幽鳥不嫌貧只是長悠忽依然作客身

明何忠節公遺像

吳日千願頌集忠節原名厚世籍華亭東門與
陳子龍夏彝仲李待問契督修海塘與吳繩如
艱苦共濟工成民偁何公塘立祠祀之崇禎丁
丑詣闕上書帝壯之御書改名剛授兵部職方
司郎中史閣部督兵揚州乞公爲助帝因命爲
參贊公與史貌皆帶五偏且短小帝曰卿兩人

貌同志同此行必有濟甲申國變與陳夏諸公
密籌戰守馬士英惡之出爲遵義知府公曰我
久以此身許國豈忍避就遂不赴揚城陷與史
投井死

五官雖偏心則正汝往揚州天子命此身許國何職方
熱血填胸爲公磬殘碁一角天可憐驚駘何物竊大權
死生從井仁者事千古一勾梅花泉顧領遺民吳季子
墨瀋淋漓存信史騎箕北斗朝天關下憶故人陳夏李
七世從孫何鴻舫望古餘何公塘上立踟躕淒涼遺像重
瞻仰海雨江風助歎歎

次耿思泉太守

蒼齡

贈行韵二首

聖治中興日輜軒氣象新

時學使瑞安黃侍郎創設南菁書院於江陰延子主講意

甚摯勉應之

文章宜復古風俗冀還醇何事徵衰朽量材到

廢人

正月病起後左足弱恃杖而行

茫然忘句讀猶道是經神

當時別鍾阜回首十經年詩酒諧情話林泉結勝緣遙

懷寄桑梓

君祖籍江陰

別路悵山川盧李餘風範高才或可

甄

盧召弓李申耆先後主講暨陽書院

道光壬辰過芙蓉湖愛其烟波山色曾有詩今五

十二年矣

同治癸酉自金陵歸夜過不泊邂逅復來覺迴不如

前慨然有作時閔頤生上舍偕余行書以示之

片席蓉湖破夕烟平隄葑草欲成田臨流皺面重相照

屈指前游五十年

月城道中

月城鎮北距江陰二十里南至青陽鎮

雜樹夾叢篁
縷路縈亂草
赤日對岸來
濃綠翳不曉
人家傍低窪
且與鵝鴨保
歲旱愁涸轍
汚沱復憂潦
此鄉誠復佳
濬治豈無道

題繆少微詩後

矮屋雄談記
昔年秦淮一
別隔重泉
平生簡札無
畱迹

往來書札餘事詩章幸尙傳
斗酒隻雞來已晚
故家喬

木慶終延君爲明繆文貞公後依然躋蹬悲身後
碧血

還遺烈婦篇君續配周孺人鵲賊

呈黃侍郎

體芳

十年歸去作黔婁
那得空山足寄畱

公致願竹丞大合書謂聞虎自金陵

歸後著書空山絕材是樸櫨知誤采質原蒲柳況深秋
跡城市蓋謫傳也逢人笑似羊公鶴愛土情深白傅衰慙媿虛聲徒忝竊
素餐何敢說依劉

次韵荅韓叔起刑部

賜元時君主講
揚州梅花書院

客裏相親乍五年淮堧一別兩茫然唐衢端永逝劉蕡
繼冷落陶家挂壁弦

官梅東閣更誰探共折花枝憶酒酣無恙靈光惟二老

一人江北一江南

謂君與季
梅中翰

江陰有三十四山跛躄不得出游戲成兩絕句寄

胡公壽乞畫

當時蠟屐浙西東鎮日登臨興不窮三十四山今夢想

安能飛步學喬全

斗室蹢躅尙拄筇須君置我畫圖中清谿碧樹千竿竹
四壁雲山一歛翁

寒露

雷聲如軍中排槍
疑是電竿決裂也

寒露當重九連珠忽有聲排空如獨往續絕又重鳴挾
以風兼雨旋看日正晴通標何處圻電線致中傾

顧竹丞大令思賢寄示解組六首索和漫題一律
九年政績浦江東竹馬兒童盡識公草滿庭前生意足
琴鳴堂上雅歌同來時里社千家佛去後田園兩袖風
它日重游峰泖地愛人易使話前功

楊見山都轉

峴

眎趙姬傳奉題二律句

廿四橋頭月一丸蘇臺流影照闌干姬維揚人而當年

色相憐豐滿此際清虛自廣寒碧血蟠胸餘恨在微波

含睇欲言難回光小住仍非住撒手人天待玉棺彌留

蘇尚送所倚
槽來遂遊

薄宦吳門偶目成十三年事問三生誰云往愬偏逢怒

便使相違亦有情謾罵略沾名士習遺言都作斷腸聲

玉環果許爲男子問字元亭證舊盟

江

小門生金山錢銘璧校刊

銓

舒執室詩續序終